



UNIVERSITÄTS-
BIBLIOTHEK
PADERBORN

Universitätsbibliothek Paderborn


**Das sie-||bend Capitel Da||nielis/ von des Tuercken ||
Gottes lesterung vnd || schrecklicher mor-||derey/ mit
vn-||terricht || Justi Jonae**

**Jonas, Justus
Melanchthon, Philipp**

Wittemberg, [1530]

VD16 J 897

urn:nbn:de:hbz:466:1-33483





1334.

1. M. Luther an die Geistlichen zu
Augsburg 1590. Wittenberg. 1530

2 — " — von der Sophisten
Lügen u Grewel mit dem Fegefeuer

3 — " — Von Ehesachen 1530

4 — " — von eigener Gerechtig-
keit 1530.

5 — " — v christl. Gerechtigkeit
od. Vergebung d. Sünden 1530.

6 — " — Das Buch d. Weisheit 1529.

7 — " — Daniel

8 — " — Predigt wider d. Türken


9 — " — von Kaufhandlung und
Wucher 1524.

10 Joh Langer, Pred. zu Nürnberg


11 Luthers Briefe wegen W. Hornung.

fieri sua mente applicat repris ero pro ea vultus, qua
xtus voluerit sacrificari suo nomine, vel sacerdotem ipsum
quasi legitimum substituere & qm hanc actionem exequitur
exerceat, ad hunc in effectum non sufficiens & p se nullis
sacerdotium xti. Semper ex hac vultu eruit quod actus
sacrificandi licet mala se possit ut excretus à ministro
ut tñ à xto è bona optima, è tñ illu vultus qua pepit
Sacerdotibus ut suo non offerent, cog, nunc moratus ofensas
illam sacrificiam bonam denominans, etsi xtus p illam veri
tatem suere aut mereri non dicat, qm non è in statu merendi
An vero possit diu nunc & illam orare et impetrare pendet
ex dictis de Tract xti in Tract de incarnac.

Dico 3tio. xtus è tota hostia qua in hoc sacrificio
offeritur ita 3d. supra. Nec obstat quod xtus in vtroq, id est
in hoc et Cruis sacrificio habet diversum modum offerendi quia
hoc è tota multas hostium idem se qm actionem sacrificandi, quarum
una fuit cruenta, altera in altari innocente, licet circa causam
hostiam versetur, Hinc passum è in missa è duo sacrificia Amicum
in quo solus xtus è victima, alterum in quo panis et vinum



Zu Th 1334



Dem durchleuchtigen Hochgeboren
nen Fursten vnd herrn/herrn Philipfen/ Landgraffen
zu Hessen/ Grauen zu Cathenellenbogen/ Ziegen
hain/ Nida/ vnd Dietz etc. meinem
gnedigen herrn.



Gnade vnd friede Gottes
ynn Christo/ Durchleuchtiger/hoch/
geborner Furst/ gnediger herr. Nach
dem vns Gott der Herr/ nicht allein
vermanet/ sondern auch gebent/ das
wir ynn allem vnserm höchsten anlie/
gen vnd nöten yhnen anruffen/ vnd bey
seinem wort trost suchen sollen/ wie denn auch das sel/
big heilig wort/ so vberschwenglich reich von allerley
trost ist/ das wir/ wie hoch vnd gros die not furfelt/
allezeit dannoch finden/ das vns stercken mag/ So
weis ich ynn diesen ferlichen/ sorglichen leufften vnd
zeiten/ da newlich ynn deudschen landen nicht allein
schrecklich gerucht vom Turcken/ sondern auch sein
gros wütereij mit dem werck vnd that furhandē/ keine
gewiffen vnd bestendigern trost/ denn Gottes wort/
Derhalben habe ich mit hülffe vnd zuthun etlicher/
die der historien besser erfahren sind/ denn ich bin/ aus
der heiligen schrifft etliche sprüche ym deudschen las/
sen ausgehen/ die da leren/ was von dem Turcken zu
halten sey/ die selbigen mügen die Christen recht trö/
sten/ stercken/ vnd widder die grösten macht der Tür/
cken/ das ist/ den Sathan gerust machen/ Denn die
weil wir aus dem Propheten Daniel wissen/ das der
Turcke seine wütereij/ durch sein vnredliche kriege/ sol
treiben widder die heiligen/ so ist er nicht allein vnser
A ij feind/

feind/sondern vornemlich Gottes feind/ So mag ein
yeder Christ mit David ym Psalm sagen/ Gott ist
mein schütz vnd schild/ich wil wol bleiben.

Zum andern hat mich zu diesem schreiben bewegt
der ferliche wahn etlicher vnerfarnen leuth/die es so
leicht achten/meinen des Türcken Reich sey/wie ande
re Fürstentumb vnd herschafften/die mit ordenlichen
rechten/welche auch Gott lobet vnd yhm gefallen les
set/gefasset sind/Die selbigen sollen diese schrifften nu
wol ansehen vnd lesen/das sie mercken mügen/wie ein
schreckliche/grewliche sünde das ist/ so sie yhnen des
Türcken reich gefallen lassen/ vnd darein willigen/
das bereit an von Gott öffentlich verurteilt vnd ver
dammet ist. Dieses büchlein aber habe ich E. F. G.
vnterthaniger meinung wollen zuschreiben/Bitte E.
F. G. wollen die Prophecey Danielis vleissig zu her
tzen furen/vnd allenthalb Gottes wort (wie E. F. G.
wol angefangen) vor den theuresten schatz ynn aller
welt achten/vnd sich von dem selbigen ynn keinen weg
abwenden lassen/ So wird der almechtige E. F. G.
als ein oberkeit von yhm geordnet/ widder Türcken
vnd alle pforten der helle gnediglich vnd ge
waltiglich schützen vnd erhalten/ Bis
Christus vom himel come/vnd die/
vnd alle seine feinde mache zum
schemel seiner fusse/Amen.

E. F. G.

Williger diener
Justus Jonas

Vnterricht Justi Jonae vom Turcken.



Sind wir nicht rechte arme vnd gantz vberaus elende leut auff erden / das vber alle ander vnzeliche vnglück iamer / vnd hertzleid / darein wir geborn sein / noch aller menschen hertzen so gar verblendet / verstocket / vnd herter denn kein eisen odder Adas mant sein sollen / das sie Gottes zorn / der so gros geschwind vnd starck ynn der schrift gedrawet wirdet / vnd gewislich mit vnsäglichem ernste vorhanden ist / so gantz vor nichts halten / vergessen können / vnd so gar nicht schewen odder achten.

Es hat Gott der almechtige fast schreckliche greuliche drawung gesetzt von leiblichen straffen / wie er wolle vnser sünde straffen / mit landkriegen / mit landsterben vnd pestilentzen / mit einfallen wilder thier / mit verderben der fruchte / des weins / korns / vnd allerley theurunge / dar vber drawet er klar ym alten vnd newen testament / er wolle alle Gottlosen ewiglich verstossen / verdammen ynn vnendlichem zorn vnd vngnaden Gottes / verzagen vnd ewig ynn yhren sünden sterben vnd verderben lassen. Nun ist yhe allein ewig vnendlich qual vnd verdammis / ewige vngnade Gottes ein solch gros schrecklich ding / das yhm nicht allein kein mensch odder vernunft aufferden / sondern auch kein Engel odder irgend ein Creatur genug nach dencken / odder solchs begreifen kan / vnd wird doch gantz gewis / allen Gottlosen widderfaren.

A ij Darvber

Dar vber drawet Got der Herr nicht allein seinen zorn yn der schrift vnd ym wort/sondern beweiset den auch ynn vorigen vnd vnsern zeiten mit klaren greifflichen Exempeln/Denn sibe/was vor gewlicher plage/vnglueck/vnd hertzleid itzund vorhanden ynn der welt ist/Da sind theurunge/kriege/auffrur/ketzereien/pestilentz/frantzosen/vngehorsam/frechtes/wildes thierisch leben vnd wesen/vnd viel gewlicher vngehörter laster vnd sunde. Denn so pflegt Gott der Herr sunde mit sunden/vnd blindheit mit weiter verblendung zu rechen vnd zustraffen/Welchs alles Got darumb verhengt/das er vns auffwecke/seins zorns warzunemen/wie er die kinder von Israel straffet ynn der wüsten/das sie yhnen lernten fürchten. Aber etlicher menschen hertzen sind also verblindet/verstocket/vnd verhertet/das sie sich ynn keinen wege ermanen odder schrecken lassen.

Darumb schreien auch die Propheten/ als Ezechiel/das wir steinern hertzen haben. Vnd Esaias spricht am 48. Capitel/ Denn ich weis/das du hart bist/vnd dein nacke ist ein eisern ader/vnd dein stirn ist eberne.

Nun also sind alle menschen/ die nicht Gott erleuchtet hat/ Aber sonderlich von den letzten zeiten haben Christus vnd die Aposteln Propheceiet/das als denn fast Gottlose wilde leuth sein werden/stoltz/hoffertig/lesterer/den eltern vngehorsam/storrig/verherteter/freneler/auffgeblasen zc. Darumb erzeiget auch Gott dieser letzten zeit/ynn vielen dingen seinen ernst gewlichen zorn/vnd sonderlich yn dem schrecklichen Exempel/das er dem Satan nach gibt den Türcken zuerwecken/

zuerwecken/ Dann wie wol von anbegin der welt viel
schedlicher/ heftlicher/ gewlicher ketzerien vnd yr-
tumb/ auch auffhur vnd mord hin vnd widder zu et-
lichen zeiten gewesen sind/ wan Gott sein scharffen ru-
then hat gehen lassen/ So ist doch kein teuffelischer/
schendlicher yrtumb nie auff erden gewesen / od-
der yrgend ynn historien zu finden/ denn der Tür-
ckische Mahometische/ Gottloser/ verdampter glau-
be/ Auch nie auff erden kein grosser zurruttung aller
ehre vnd zucht/ kein schrecklicher wuestyhe vnter der
sonnen gehört odder gesehen/ denn das gantz Turcki-
sche wesen vnd leben ist/ daheim vnd ynn kriegem.

Vnd ich halts dafur/ das kein mannes hertz so
gros vnd starck sey/ auch keins menschen mut so fest
odder vnerschrockē/ der nicht würde verzagen sincken
vnd hinfallen/ vnd ynn einem augenblick sterben/
wenn er recht erfahren/ mercken/ vnd mit geistlichen au-
gen klar sehen solt/ wie ein grosser/ geschwinder/ schres-
cklicher ernst dis ist Göttliches grimmes vnd zorns/
da er vnser gros manchfeldig vndanckbarkeit also re-
chet vnd straffet/ das er so viel Fürstenthumb/ Land/
vnd Königreich/ so viel hundert tausent vnd aber hun-
dert tausent menschen/ vnzelich mit solchem Maho-
metischen/ verdampften glauben verführen lest/ vnd das
selbig teuffelisch vnd Türckisch leben vnd wesen/ vnd
so vnerhort wütereij vnd laster/ so weit auff komen/ yn
so viel feinen lenden/ welche dadurch zu grund ver-
oedet vnd verwüestet/ vberhand nemen vnd einreissen
lest.

Denn die ihenigen yrren weit / so da weenen/ das
Türckisch regiment sey wie die andern Königreich /
vnd policey bey den alten/ als der Römer/ des Königs
Alexandri/

Alexandri/odder der gleichen/ Denn wie wol die selbigen auch heidnische Königreiche/vnd on erkentnis des rechten waren Gottes gewesen/ so sind sie doch nicht furnemlich dar auff gestiftt vnd angefangen/ Christum vnsern heiland zu lestern vnd zunerdrucken/ sondern recht vñ friden auff erden zuerhalten. Aber der Türcken glaube vnd Königreich ist furnemlich durch den Teuffel angefangen/ Christum den waren Gott vnd Weiland zu lestern/ Zu solchem lestern vnd zu mord/vnd andern sunden/ ist das Türckisch reich endlich gericht/vnd nicht recht odder frieden zu erhalten. Auch haben alle andere Königreiche vnd Fürstenthumb/ so von anbegin der welt gewesen/ ordentliche gefaste regiment/gericht vnd recht/nützliche/gute gesetz gehabt/von Ehlichem stand/von haushaltung/von eigenthumb vnd Erbschafften. Aber vnn der Türckisch Tyranny ist nicht anders/ denn eitel Gottes lesterung/ mord/ teglich ehebrüch/hurerey/rauben/brennen/vnnatürlich vnzucht/vnd alle ander laster.

Derhalben sehen wir itzund offentlich am tage/ den rechten ernst vnd grimmigen zorn/vnd schrecklich vngnade Göttlicher Majestet/das Gott verhengt/das ein solch grewel vnd heslich yrtumb so wechset/weit durch dringet/ vnd so viel Edeler/köstlicher Fürstenthumb/Greciam/Asiam/Syriam/Aegyptum eingenomen hat/Vns auch so gantz nahe vnd hart für die thür kompt/das wir nach vnser veter gedacht/das ein mensch vnter vns solt hören odder erleben.

Ja/warumb lest es aber Gott nach? Er thut wie er durch den Propheten gesagt hat/ Ich wil zusehen/ ob ewer odder mein wort war bleibe. Er hat durch
die Pro

die Propheten gedrawet/ das er alle Gottlosen vmb
vnd danckbarkeit willen straffen wil/ Auch offte seinem
eigen volck Israel gedrawet/ das er sie vnter solche
Tyrannen wil werffen.

Nu wir sehen/ wie es zu vnser zeit stehet/ Ich hal-
te das Gott darumb yn deudschen landen hat das
Euangelium lassen auffgehen/ das solche straffe ist
vorhanden gewesen/ Dann wann Gott hat wolt ein
volck straffen/ hater alzeit zuuor Propheten geschickt/
das er erst etlich errettet/ damit sie nicht alle verdür-
ben.

Also halt ich/ das itzund Gott der herr das Euan-
gelium hat lassen auffgehen/ damit etlicher gewissen
widder die Türckische lare vnd yrtumb gerüst vnd ge-
sterckt würden/ vñ das sich etliche doch besserten/ vnd
der name Christi nicht gantz vnter gienge/ Dann die
Christliche kirche mus ewig bleiben. Nun künd sie
nicht bleiben/ wenn nicht Gott das wort vnd das rein
Euangelium vnd lare hette widder geben/ Dann die
kirche kan nicht sein noch bestehen on Gottes wort/
sonderlich wann ketzerrey vnd falsche leren vorhanden
sind/ Denn so wir allein der Münch vnd Sophisten
lare gehabt hetten/ vnd das erkenntnis Christi nicht
klerer geleret were/ dann wie die Sophisten dauon ge-
redt haben/ so weren wir nicht gnugsam gerüst wider
der Türcken lare vnd glauben/ der auch falsche gleis-
sendewerck hat.

So nu der almechtige Got gnediglich das Euan-
gelium klarer hat lassen an tag komen/ dan es zuuor ein
zeitlang geprediget/ dadurch man nu die hohē reichē
güter vnd gaben Christi vnser Herr besser erken-
nen mag/ solten wir von hertzen grund alle stunde
B danckfagung

danckſagung gethan haben. Wie ſtellen wir vns
aber gegen dieſem angebotenen theuren ſchatz des Euan-
gelij? Die welt erzeiget da gegen eitel gewolliche vn-
danckbarkeit/ Etliche verfolgen vnd verdamnen wiſſ-
ſentlich die warheit/ vnd ermorden frome prediger/
Die andern aber zum teil/ ſo ſich Euangelisch nen-
nen/ die ſuchen nur fleiſchliche freiheit am Euan-
gelio/ denn da ſie gegen die mißbrauchlichen Got-
tes dienſte/ nun dieſer zeit ware Gottes dienſt thun
ſolten/ Gottes zorn vber die ſunde erkennen vnd furch-
ten/ dazu gלבwen/ das vns die ſunde vmb Chriſtus
willen/ aus gnaden vergeben werden/ vnd vertrauen
yhm ynn aller not/ vnd alles gut von Gott bitten/ vnd
on zweiffel hoffen/ Vnd ſonderlich ynn ſachen des hei-
ligen Euangelij ehre belangend/ bitten das Gott yeder
man recht erkentnis ſeines Euangelij gebe/ auch ſonſt
dem neheſten helffen/ vnd yederman gut Exempel fur
tragen.

So nu ſolch frucht folgen ſolten/ werden ſie ranch-
los/ vnd iſt nicht allein kein Gottes furcht mehr bey
yhn/ ſondern auch kein euſſerliche zucht/ werden der
predigt ſat vnd vberdrüſſig/ verachten yhre Pfarrer
vnd prediger / als gekerich vnd Kott auff der gaſſen/
vnd wolten gerne ſie vnd das Euangelium mit füſſen
treten. Vber das veracht bawer vnd bürger alle gu-
te künſte vnd lare/ was man ſchreiet / vermanet ſchu-
len zu halten/ zu guter kinder zucht/ laſſen ſie yhnen al-
les zu viel ſein / vnd wil niemands ſolch nützlich/
hohenötig ampt ynn Gottes namen erhalten helffen/
da ſie zuuor vmbſ bauchs willen alle yhre güter zu
gewand haben. Vnd wirdet darzu der gemein grobe
man ſo frech/ robe vñ bern wilde/ als were das Euan-
gelium/ welches doch mit groſſem ernſt ein euſſerlich
erbar

erbar leben foddert/ darumb komen / das es losen
buben rawm vnd freiheit zu yhren lastern machen
wolt.

Wie solte doch solche vngedult grewliche vn-
danckbarkeit/ on grosse schreckliche straffe vnd plage
Göttlichs zorns abgehen/ Eigentlich es wird gestra-
ffet / Es saget die schrift nicht vmb sonst widder sol-
che freche/ sichere verachter / Irret euch nicht/ Gott
lest sich nicht verhönen. Vnd was darffs viel sagens/
Die straffe ist leider vor augen/ die da verderben an leib
vnd seele drawet/ nemlich/ der Türcke/ Dann es ist
eigentlich ein grosser ernst vnd grim Göttlichs zorns/
das er mit solcher grewlicher straffe die welt angreiffet.
Wann er vns mit pestilentz/ hunger/ oder der gleichen
plagen straffet/ so were es noch die vater Ruthe / Das
er aber den türcken so weit komen lest vnd einbrechen/
das er so viel stedte/ dorffern/ pfarren kirchen/ Christi-
che gemein zerreist/ verstöret/ vnd zu bodē vertilget/ die
prediger erwürget/ so viel feines volcks/ iung vñ alt/ so
viel vnschuldiger widwen/ weisen/ kinder erwürget vñ
grausamlich ermordet/ die bestē leut wegfüret/ vñ als
das viehe/ verkauffet vnd zu seinem Gottes lesterlichē
glaubē zwinget/ Wie istts da möglich mit irgend men-
schlichen reden odder wortenzuerlangen oder auszure-
den/ wie ein hoher/ schrecklicher zorn Gottes das sey/
Vnd wir seind dennoch so verstockt vnd hart/ das vns
solchs nicht zu hertzen gehet/ das wir dannoch nicht
weinen / noch genhimmel schreien / O wolt Gott/ das
wir itzund einen Dieremiam hetten / der solchs vbel
beweinnet/ der itzund recht ernstlich zu Gott gen himel
schreien dürfft / Es ist warlich zeit/ das wir einmal
vom schlaff auff wachen/ solche sicherheit ablegen/
von hertzen gnade sachē/ vnd vns den grossen ernst

Wann

B ij grim

grim Göttlichs zorns schrecken lassen / Gott der Herr
hat yhe zugesagt / er wolle hören die ihenigē / so yhnen
ynn nöten anruffen / vnd versucht vns / nicht das er
vns verderbe / sondern das er vns demütige / Wolt
Gott wir künden von hertzen zu yhm senffzen vnd
schreien / vnd glauben / das er vns vmb Christus wil
len erhören wil / wie der Herr gesagt hat / Was yhr
werdet den vater bitten ynn meinem namen / das wird
er euch geben.

Diese vorrede habe ich darumb gethan / das wir
bedencken / das es Gottes wille ist / das wir vor allen
dingen suchen sollen / erstlich seine gnade / troste vnd
hülffe. Dann darumb schicket vns Gott Creutz vnd
trübsal zu / das wir yhnen recht erkennen lernen / das
wir mercken mügen / wie er den ihenigen gnade erzei
get vnd erheldet / die ynn den höchsten nöten zu yhm
fliehen / buss thun vnd sich bessern / Wie er ym Psalm
sagt / Ruff mich an ynn der zeit der not / ich wil dich
erretten / vnd du solt mich preisen. Da stehet ein klar
gebot vnd befelh Gottes / der vns gebent vnd heisset
Gott künlich anruffen / Wan wir nun gleich arm sun
der vnd schwach sein / sollen wir mehr ansehen das ge
bot Gottes dan vnser sünde / Dazu sollen wir mit dem
glauben fest halten die verheissung / das vns Gott
helffen wil / Dann er zeuget selbst / das solch anruffen
das beste vnd edelst opffer vnd höchst Gottes dienst
sey. Da habē wir ein vrsach viel edler / köstlicher / gute
werck zu thun / die Gott dem Herrn gewislich wolge
fallen / wann wir ynn solchen vnsern nöten ernstlichen
beten / das Gott die ehre seins heiligen Euangelij vnd
Göttlichen namens erhalten wolte / fur vns selber / vnd
fur die gantze Christenheit / das Gott der Herr den
namen

namen Christi nicht las vnter drucken ynn der welt/
vnd ist warlich eins solchen gebets hohe von noten/
Dann er hat gesagt/Meinest du auch wann des mens-
schen son komen wird/das er wird irgend ein glauben
finden? Da zeigt er gnugsam an/das die Christliche
Kirche wird ein kleins heufflin sein vor dem Jüngsten
tag/vnd das der name vnd erkentnis Christi bey we-
nig leuthen sein wirdet / Vnd ist auch itzund schon
das ware erkentnis des Euangelij vnd Christi bey we-
nig leuthen/ Darumb sollen wir ernstlich bitten/das
wir nicht auch das Euangelium verlieren.

Wie wol nun der Türcke/ als ein böser sawler
bawm/ aus sein fruchten wol solt zu kenne sein/die
weil er yn frembde lender vnd Fürstenthumb/Stedte
vnd dörffer/die yhm kein vrsach geben/nie kein leid
gethan/so wüterichs/widder Gott/alle ehre/vnd na-
türlich recht/darff einfallen/so viel fromer Fürsten/
Grauen vnd herrn/weiber vnd kinder/erbarmlich yn
angesicht yhrer eltern erwürgen/so viel vnschuldiges
bluts/auff ein stunde ane alles kriegs recht/nur als
ein zugenötigeter Reuber vnd mörder vergiffen. Item
die weil er kein rechten ehelichen stand/ ynn alle sein
landen hat/sondern grewlich/schrecklich/vnnatür-
lich laster vnd Teuffelsche vnreinigkeit/vnd die weib-
liche mitgenossen/ die Gott geschaffen/als die hunde
achtet/nach allen mutwillen viel weiber/auff ein mal
zu halten/vnd von sich mutwilliglich zuwerstossen ge-
stattet/ Dat es keinen zweiffel/das des Türckische
reichs vnd wesens/der leidig wütend teuffel vnd kein
ander geist/ ein vrsprung vnd anfang ist. Doch ist
auch seer nott vnd nützlich zu hören/was die heilige
schriff vnd Gottes wort von solchem reiche saget/da
B ij mit

mit wir mügen gantz gewis werden / das der Türck
warlich ein feind Gottes sey / vnd nicht allein ane Got
sondern stracks widder Gott ist / wie der teuffel selbs.

Vor das erste aber / sollen die ihenigen / so alzu sicher
sein / vnd Gottes zorn nicht gnug zu hertzen nemen /
wenē / das türckisch reich sey ein leidlich reich / wie an
der Fürstentum vñ Königreich yn der welt / hir aus der
schriffte lernen / wie greulich / schrecklich / heslich ding
die schriffte zuuor saget / von dem reich / vnd das dis
wort schrecklich zu redē / Ich wil als mehr vnter dem
Türcken wonen / als vnterm andern hern. Die schriffte
vnterricht vns hie vnd macht vnterscheid zwischen
Türckē vnd andern herschafftē. Alle ander herschafftē
ist von Gott verordnet / recht vnd frieden auff erden zu
erhalten / darumb wird die oberkeit yn der schriffte ge
lobet / vnd Gottes ordnung genant. Aber der Türck
acht kein recht / helt auch kein frieden / Darumb ist er
auch kein herr / sondern ein wergzeug des teuffels / zu
dem ist sein gantz reich allein / darumb angefangen /
Gott vnd vnsern Herrn Christum zu lestern / wie dro
ben gesagt / Derhalben sol man die schriffte wol anse
hen / darinn der Türck abgemalet wird / vnd betrach
ten / welch ein zorn Gottes das sey / das er solch grew
lich straff vber die welt komen lest / vnd da bey wissen /
das wir alle vermanet werden / des Türcken regimentē
nicht zu billichen odder darein zu willigen / die weil
es bereit an von Gott verdampt ist.

Zum andern / so haben die gienbigen vnd Chris
ten ein grossen trost aus solchen sprüchen der schriffte /
Dann die weil Gott zuuor gesagt / das ein solch grew
lich reich komen soll / so ist es gewis vor Gott ver
dampt /

dampft/ so haben nun die gleybigen ein trost vnd sterckung/widder dieses gros ergernis / Es seind schon viel grosse lender vnd Fürstentumb vnd gros leut vnter das Türckisch reich komen/das ist nicht ein geringe ergernis vñ anfechtung wider vnsern glauben. Die weil vns aber zuuor Gott ynn der schrift dafur gewarnet hat/so kan vnser glawb fest stehen/vnd solch ergernis vberwinden. Item/ die da recht vnd von hertzen Gott furchten/ die müsten verzweiffeln/ wann sie solchen offentlichen Gottes zorn sehen/vnd wann es Gott nicht zuuor ynn Propheten verkündigt hette / würden sie dencken/es würde die gantze Christliche kirche fallen vnd vntergehen/ Nun aber haben sie viel trostes aus der Prophecey/ die gleybigen sehen die warnung Gottes/ darumb suchen sie gnade / Vnd wissen/die weil vns Gott gewarnet/das er auch helffen/vnd vns widder solche gewalt des teufls schützen will/vnd die weil sie aus der schrift lernen/ das der Türck fürnemlich nicht vnser / sondern Gottes feind ist / werden sie deste mehr dadurch gesterckt/Dann sie wissen/das Gott wol vnyberwunden bleibt/vnd wissen/das sie selbs / als geliedmas des reichs Gottes auch wol bleibē/wie der Psalm sagt/Der Herr ist mein schütz/ich wil wol bleiben.

Zum dritten/ist auch dem Türcken ein ziel ynn der schrift gesteckt/ wie weit er reichen sol vnd herschen/das ist bey Got beschlossen/Das ist abermal ein trost/das er weiter nicht wird komen können/von dem aber wollen wir hernach etwas sagen.

Nun wollen wir den ort odder spruch der schrift anziehen/da das reich des Türcken wird abgemalet/
das


das wir aber die schrift beste besser verstehen/müssen wir erst zuvor etwas sagen. Gott der herr hat dem Prophetē Daniel angezeigt/wilche verenderung der höchsten vnd mechtigsten König reich oder monarchien/bis zum end der welt/künfftig waren/vñ ist solch offenbarung vmb der heiligē willen geschehē/ das yhr glaub gesterc̄t würde. Den so sie sehē das die herschafftē yn der welt sich also verendern/wie Got zuvor angezeigt/ werden sie erinnert/es werde auch diese welt ein ende habē vnd das gericht nicht lang aus sein/lernen auch hierinn/ wann sich yhr erlösung vnd die herrlich zukünfft vnser̄s Herrn Christi nahen wird/dadurch sie trost empfaben vnd bestehen mügen/ widder mancherley ergernis/ die weil sie wissen/ das das gericht nicht fern ist/ vnd das Gotlos wesen dieser welt bald ein ende haben wird.

Dis ist auch ein grosser rhum Christlicher lare/ das sie also gewis zuvor gesagt/wie sich die höchsten Königreich bis zum end der welt verendern werden/dabey man öffentlich siet vnd bekennen mus/das allein Christliche lare Gottes wort ist/ Denn sonst ist kein glaub/ keine lare aufferden/ die von solchen grossen dingen/ so künfftig gewesen/ zuvor etwas gewisses hat sagen mügen.

Nu ist die höchste gewalt auff erden zum vierden mal auff ander völder komen/ Derhalb zelet man vier monarchien/das ist/ solche herschafften/die nicht allein ein land odder Königreich hat/ sondern viel Königreich/ia den besten teil der erden. Die erst monarchi haben gehabt die Assyrier/ darinn man auch die Chaldeier begreiffi/ als die von einem stam komen/
Die

Die ander Monarchey haben gehabt die Persier/ da
zu man auch die Medos rechnet/ als yhr verwanten/
die doch nicht lang regiert haben. Die dritte ist bas be
kant/ die Alexander gehabt hat/ der aus Grecia gezo
gen/ vnd Babylon vnd der Persier königreich eröbert
hat/ nach Alexander haben vier seiner haubtleut die
erden vnter sich geteilet/ Darnach ist das Römisch
reich komen/ das auch den besten teil der erden ynne ge
habt/ Diese vier königreich sind hie durch vier bestien
bedeutet/ sind auch sonst auff ander weise ynn
der schrift abgemalet/ Die weil aber die
ses Capitel Danielis seer klar vom Tür
cken weissagt/ haben wir allein
dasselbig hie anzihen wollen.

C Der



Der Text Danielis Cap. VII.

Ich sahe ein gesicht ynn der nacht / Vnd sihe/ die vier wind am himel stritten mit einander auff dem grossen meer/ vnd vier grosse thier zogen daher aus dem meer yedes sonderlich.

Das erste / wie ein lawin/ vnd hatte flügel wie ein Adler/ Ich sahe zu/ wie yhm die flügel ausgeraufft wurden/ Vnd es ward weg genommen von der erden/ Darnach stund es widder auff seinen fussen / wie ein mensch/ vnd hatte ein menschlich hertz.

Vnd sihe/ ein ander thier wie ein Beer stund am selben ort / Vnd es hatte drey riegen zeen ynn seinem maul/ vnd man schrey yhm zu/ Stehe auff/ vnd frisse viel fleisch.

Darnach sahe ich ein ander thier/ wie ein Pard/ das hatte vier flügel vber sich/ wie ein vogel/ vnd hatte vier köpffe/ Vnd die herrschafft ist yhm geben worden.

Darnach sahe ich ynn diesem gesicht bey nacht/ vnd sihe/ das vierde thier kam/ vnd war gewulich vnd schrecklich / vnd seer starck / vnd hatte grosse eiserne zeen/ frasse vmb sich vnd zerrisse/ vnd zurtrate mit sein fussen/ was noch vbrig war/ Vnd was der keinem gleich / die ich zunor gesehen hatte/ vnd es hatte zehen horner.

Als ich aber die horner schawet/ sihe/ da ist ein
C ij ander

ander Klein horn zwischen denen erfur Kommen / vnd die
foddersten drey horner sind fornan weg gestossen / vnd
sibe / das horne hatte augen / wie menschen augen /
vnd ein maul / das redet grawsam. Dis sahe ich /
vnd da wardē die stuel gesetzt / vnd der Alte setzet sich /
sein Kleid war weis wie schnee / vnd das har seines
haubts wie eine reine wolle / Sein thron war feur
flammen / die reder waren brennend feur / vnd ein feu
riger stral gieng von yhm aus / Viel tausent dienten
yhm / vnd viel tausent stunden fur yhm / Er setzet sich
zu richten / vnd die bücher warden auffgethan.

Ich sahe zu / vmb der grawsame rede willen die
das horn redet / Vnd ich sahe / das das thier getödtet
ward / vnd das sein leib vmb kam / vnd ward yns feur
geworffen / Vnd die herrschafft der andern thier hatte
auch ein ende / Denn yhnen was ein zeit yhres lebens
bestimpt ein weile vnd nicht lenger.

Solchs schawet ich ynn dem gesicht bey nacht /
Vnd sibe / es kam einer ynn wolcken des himels / wie
eines menschen son / zu dem Alten / vnd ward fur yhn
bracht / dem hat er geben die herrschafft / die kron vnd
das reich / vnd alle vöcker / vnd alle zungen werden
yhm dienen / Sein herrschafft ist ewig / vnd wird kein
ende haben / vnd sein reich wird nicht auff hören.

Mein geist hat sich entsetzet / vnd ich Daniel ha
be disem gesicht nach gedacht / vnd es hat mich gantz
yrre gemacht. Vnd ich bin hin zu gangen / zu einem
vnter denen / die da bey stunden / vnd bat yhn / das er
mich gewis bericht von alle diesem / Der sagt mir
diese auslegung.

Diese

Diese vier grossen thier sind vier reich / die auff erden entstehen werden / Aber das reich wird auff die heiligen des höchsten komen / vnd sie werdens ewiglich besitzen.

Darnach begert ich bericht von dem vierden thier / welchs der andern keinem gleich war / vnd seer greulich war / vnd hatte eisern zeen vnd klawen / frasse vmb sich / vnd zerriss / vnd zutrat mit seinen fussen / was noch vberig war / Vnd von den zehen hornern / welche es auff seinem kopff hatte / vnd von dem andern / das drey fornan weg gestossen hat / Vnd hat augen / vnd ein maul das grausam redet / vnd war grösser / denn die neben yhm.

Ich sahe es an / vnd sihe / das selbig horn streit wider die heiligen / vnd vberweldiget sie / bis der Alt kam vnd hielt's gericht fur die heiligen des höchsten / vnd die zeit erbey kam / da die heiligen das reich ynnemen solten.

Darauff sprach er also / Das vierde thier wird das vierde reich auff erden / vnd wird mechtiger werden / denn alle andere reich / vnd wird die gantze erde auff fressen / zerreißen / vnd zertretten / Vnd die zehen hornen / so von diesem reich komen / werden zehen könig sein / vnd ein ander wird auff stehen nach yhnen / der wird mechtiger sein denn der zehē einer / Vnd wird drey könig nidder stossen / vnd wird widder den höchsten reden / vnd wird die heiligen des höchsten zerstören / vnd wird sich vnter stehen zu verendern Gottes ordnung vnd das gesetz / vnd sie werden ynn seine hende geben ein zeitlang / vnd aber ein zeitlang / vnd noch eine kleineweil.

C. iij. Denn

Denn wird das gericht komen / vnd die herrschafft
weg nemen / vnd yhm ausrotten vnd vmb bringen/
vnd gar ein ende mit yhm machen. Aber das reich
vnd die herrschafft vnd die herrligkeit des reichs vnter
allem himel wird dem heiligen volck des hōhesten zu
gestalt werden. Desselbigen reich ist ewig / vnd alle
gewaltigen werden yhm dienen / vnd gehorsam sein
vnd also beschlos er die rede.

Auslegung.

Ich wil hier die andern Monarchien anstehen / vnd von dem vierden thiere ym Daniele sagen /
welchs bedeut das Römisch reich. Wie wol noch der
Titel bey den Deutschen vorhanden / So ist doch die
selbige Römische Monarchie vorlang gefallen / wie
wir dann sehen / das ein Römischer Keiser kein gewalt
ynn Africa / odder ynn Asia / odder ynn Engelland /
Francckreich / Hungern / odder Hispanien hat / vnd ist
diese trennung des Römischen reichs geschehen / da
Gotthi / Vandali / Hunni / vnd andere barbari einge-
fallen sind.

Wie aber das Römisch reich sey auff komen / vnd
was es vor ein gewaltig reich gewesen / ist hier nicht
not zu sagen / Das aber Daniel sagt / die bestia hat
be zehen horner / zeigt er an / da das Römisch reich
verstöret vnd gefallen ist / das zehen ander Königreich
aus dem selbigen sind auff komen / welche hernach
die vornemesten ynn der welt gewesen / dar von die his-
torien melden.

Das Königreich Francckreich / der Longobarden
ynn

ynn Welschland/ der Gotthen ynn Hispanien/ der
Wenden ynn Africa vnd sonst das Deutsche/ Eng-
gelland/ Hungertisch/ der Griechen/ das Asiatisch/
das Aegyptisch.

Dis seind die furnemesten Königreich/yenn welche
die Römische Monarchey zu trennet vnd zu teilet ist/
vnd welche aus der Römischen Monarchey sind auff
komen / Diese sind auch die furnemesten provincien/
so die Römer vnter sich gehabt/daraus darnach eigen
Königreich worden/ Vnd die andern Königreiche alle
haben Römische recht vnd gesetz behalten/ane die/so
er nach den Mahomet vnd sein lare angenommen.

Es folget ym text/ das der bestien ein klein horn
sey da vorn am hewbt auffgangen / welches andern
drey horner vmb gestossen hat/ Das klein horn bedent
das Türckisch reich / welchs drey Königreich ynn
morgen lenden hat eingenomen / das Aegyptisch/
das Asiatisch vnd das Grekisch/ Vnd das solch Tür-
ckisch reich dadurch bedent sey/ findet sich daraus/
dan es ist kein ander Königreich gewaltiger oder mech-
tiger gewesen nach der Römischen Monarchey. Der
Text aber sagt/das dis Königreich sol mechtiger sein
denn die andern.

Item/das selbig reich werde widder die heiligen
Krieg furen/ Nun ist kein solch reich/das so erbarmo-
lich die Christliche Kirchen zerstöret hat/ als das Tür-
ckisch reich/ So ist auch kein Königreich/ das ein
newen Gottes dienst vnd newen glawben geleret ha-
be/ darinn öffentlich das Euangelium gelestert/vnd
gantz vnd gar verworffen sey / denn das Königreich/
darinn

Das Türckisch

darinn der Türck itzund der gewaltigst herr ist/ Dar-
umb sagt der text von dem selbigen letzten reich/ das
es sol rede auff bringen widder den hochsten/ vnd soll
sich vnter stehen zuendern Gottes gesetz/ vnd was von
Gott geordnet ist. Darüb ist das horn auch also abge-
malet/ das es habe menschen augen/ das bedeut/ das
aus menschlicher vernunfft widder Gottes wort ein
newe lare ertichten werde/ Vnd das man redet graw-
sam/ das ist/ es lestert Got vnd Christum/ wie wir her-
nach weiter sagē wollen. Da sehē wir das sich der text
gleich reimet auff das Türckisch reich/ kein historien
schreiber zu dieser zeit hette die geschicht vnd alles we-
sen des Türckischen reichs/ so richtig dargeben vnd
fein rein abmalen mügen/ als es der Prophet Daniel
abgemalet hat / ganzert zwey tausent iar zuuor.

Derhalb sollen wir solche warnung Gottes nicht
verachten / denn es ist nicht vmb sonst geschrieben/
sondern es ist offenbart vns zu rüsten vnd zu stercken/
widder die teuffelischen secten vnd Mahometischen
yrthumb.

Damit wir aber des besser vnd klerer verstehen/
das bald/ da das Römisch reich begunst abzunemen
vnd vns fallen komen/ diese teuffelische rotte vnd secte
sey auff komen/ müssen wir den anfang des Türcki-
schen reichs klerer anzeigen. Derhalb ist zu wis-
sen/ das das Mahometisch reich vorzeiten nicht den
Türckischen namen gehabt/ sondern hat allein das
Saracenisich reich geheissen / Wie aber der name ge-
endert/ wollen wir itzund sagen.

Zu den zeiten Heractij des Kaisers / da die Christ-
lichen

lichen Kirchen durch die Ketzerey Artz/ allenthalb zur
strawet / vnd auch sonst ynn Arabia vnd Aegypto viel
ander Ketzereien waren / Vnd dazumal ynn den selben
lndern die regiment vnd policey durch die Krieg mit
den Persen zerrissen waren. Erweckt der teuffel/
einen genent Mahomet / ynn Arabia / das er die Chri-
stenheit nicht allein mit newer falschen lare / sondern
auch mit gewalt / so es müglich / gar vertilgen solt.

Vnd die weil die Kirche durch Artz Ketzerey zerris-
sen vnd die leut yrr worden / fand er guten rawm bey
dem pofel / Denn wenn das gewissen yrr wird ynn ei-
nem stücke des glawbens / so fellet es leichtlich gantz
von allen artickeln / Denn ynn dem zweiffel wird es
Gott vnd seinem wort feind / felt danon / vnd sucht mit
eigener vernunfft / wo es bleiben / vnd was es halten
wolle. So man dann bringt etwas / das der ver-
nunfft gemess ist / so felt man drauff mit henden vnd
fussen / Derhalben ertichtet der teuffel durch Maho-
met ein newelare / die alle religiones zusammen fasset /
vnd gab fur / die selbigen zu concordirn / Nam allent-
halb etwas / das menschlicher vernunfft beheglich /
vnd thet die faust auch darzu / Nam den Jüden zu lieb *Circūcisio*
die beschneitung an / lobet Moysen / er were ein Pro-
phet vnd guter regent gewesen. Den Christen zu lieb
rhümet er auch Christum / sagt / er were auch ein Pro-
phet gewesen / vnd hette viel gutesgeleret / Aber die
gelarten hetten nachmals viel vnnötige disputationes
eingefurt / daraus viel vneinigkeit gefolget / Daruber
warff er weg alle hohen artickel Christliches glaw-
bens / so der vernunfft seer entgegen sind / nemlich von
der Gottheit Christi / von der gerechtigkeit des glaw-
D bens/

bens/von Sacramenten/von des heiligen geists wir-
ckung/ynn denen/so glauben.

Nach dem er also Jüden vnd Christen zusamen
bracht/gab er fur/sie weren/lants der Göttlichen ver-
heißungē/gottes volck vnd ein frey volck/das herschē
muß ynn aller welt / Daruber lies er dem pofel nach
allerley wollust des leibs/hub auff den ehestand vnd
ander eusserliche zucht/Dan der grob/gottlos hauffe
wil yn den stücken gern alzeit zaumlos vnd frey gehen
widder alle Gottes wort nach wollust vnd mutwillen
faren/Vnd damit die sache dennoch ein schein hette/
macht er auch einen eusserlichen Gottes dienst mit be-
ten/fasten/speis verbieten/vnd daneben gebot er auch
andere werck / die menschliche vernunfft begreiffen
kan/ als gehorsam gegen der oberkeit/ nicht stelen/
nicht tödten/vnd leret/das solche werck soltē für Got
genug sein / Da gegen spottet er der Christen/
das sie lereten / man würde durch glauben an Chri-
stum Gott gefellig vnd gerecht/odder das man gnade
durch Christum on verdienst erlangen mocht.

Die weil nu ynn Arabia viel Jüden waren/vnd
die kirchen zertrennet/vnd der mehrer teil/ so Christen
genant/sich ergerten an der vneinigkeit / so sich hielte
zwischen Arrianis vnd den rechten Christen/ fiel der
pofel zu auff diese newe scheinbarliche teuflische la-
re/ sonderlich die weil sie höreten / das sie solten ein
frey volck sein/vnd würden geld vnd gut gewinnen.

Dis ist der anfang der aller ergesten secten/die auff
erden yhe gewesen/vnd ist furnemlich aus Arrij ketze-
rey/vnd der vneinigkeit/so Arrius angericht/entsprun-
gen/

gen/ Vnd yn diesem exempel siset man/wie Ketzerien
zunehmen vnd wachsen/als bald man von der schrift
beginnt zu weichen. *Arrius* Arrius hat das spiel angefangen/
Gottes wort mit eigener vernunft zu deuten/ Da
nu Arrius das loch gemacht/ ist Mahomet komen/
hat noch weiter gerissen/ derhalben der einig mensch
Arrius schuldig ist an allem yrthumb vnd vbel/so die
Mahometisch secte nu ynn die neun hundert iar ge-
trieben/ Fur diesem Exempel sollen sich billich entse-
tzen/ auch die/ so zu vnsern zeiten so leicht ynn Gottes
sachen/ von der schrift auff menschlich witz fal-
len.

Da nu Mahomet ein grossen anhang gewonnen/
vnd ein anzal volcks bey einander hatte / fieng er ein
lerman an / vnd nam ein teil vom land Arabien ein/
das zuuor die Römer eingehabt / vñ hatte solchs leicht-
lich zu thun / denn die Persier plagten die selben lender
seer / vnd hatten wenig schütz von Römern/ *Es*
waren aber die Arabier zuuor Agareni genennet / von *Agareni*
der stad Agara / welche on zweiffel den namen hatte
von Agar / mit welcher Abraham erzeugt Ismael / der
sich ynn Arabien gesetzt hat. Mahomet aber ver-
endert seinem anhang den alten namen des volcks /
vnd nennet seinen hauffen / Saracenos / damit anzu- *Saraceni*
zeigen / das sein hauffe nicht kinder weren der dienerin
odder magd Agar / sondern weren rechte erben Abra-
he / von Sara geboren / Welchen allein zu gehorten
vnd gebürten die herlichen verheissungen / die Abra-
ham geschehen sind / das seine nachkomen herschen
soltē / Vnd hat also Mahomet gewolt / das die verhei-
ssung yn der schrift / von Christo geschehen / von welt-
lichem königreich vnd freiheit zuuerstehen weren. Wie

D ij zu vnser

zu vnser zeit Thomas Müntzer vnd Carlstad dem po-
fel furgeben. Daher ist nu der Saracener namen
blieben ynn dem selbigen Königreich.

Erstlich aber/haben sie eingenomen ein stuck von
Syrien/ darnach Aegypten/ darnach ein gros teil
Asia/ vnd haben grosse krieg widder die Römer vnd
Perser gefurt/vnd seind die Persier so hart von yhn ge-
drengt vnd ynn solch hohe not komen/das sie haben
rettung bey frembdē lendern suchē müssen/Die haben
nu die Türcken gefodert/die forn an der Tartarey sa-
sen/an dem grossen gebirge Caucaso/Wie die furnes-
mesten historici schreiben.

Da die selbigen ynn Asiam kamen/wie man sagt/
Wer den teuffel ein mal zu gast ladet/wird seiner nicht
bald los/blieben sie ym lande/ Denn es ist ein schon
fruchtbar land/ So worden sie auch auffgehalten
durch die krieg mit den Sarracenen/vnd hatten ynn
den selbigen kriegem solch gros sieg vnd glück/vnd
wuchssen so seer/das sie bald ein gros teil an Asian ein-
namen/Dazumal haben sie auch den Mahometischē
glawben mit der zeit gelernet vnd angenommen/vnd ge-
riet endlich dazu/das aus Türcken vnd Sarracenen
ynn Asia ein volck vnd ein leib ward/ vnd doch die
herrschafft auff die Türcken kam/als die/so die mech-
tigstē geworden/Also ist der Türckisch name auch be-
kant worden/ vnd heissen nun Türcken nicht Sarrac-
eni/Wie wol die Sarracenen die wurtzel vnd der erst-
stam dieses reichs/ aber die Türcken wie eingesetzte
pfropffreiser sind/ die dann nicht aus Arabien odder
Aegypto/ sondern aus der Tartarey yhr herkomen ha-
ben.

Jnn

Inn Asiam aber sind sie als beschriben Kriegs
volck vnd geladen geste komen/ das sie den Persiern
widder die Sarracener rettung vnd hulffe thetten/
wie man sie auch ynn Greciam zu gast geladen hat/
Vnd hat der Türcken reich geweret von des Maho-
mets zeiten an/ bis itzund auff vnser zeit. Erstlich
bey den Sarracenen/darnach bey den Türcken yn die
neun hundert iar.

Es zeiget auch der Prophet Ezechiel an/ das das
volck/das yn letzten zeiten komen/ vnd die Christliche
Kirchen plagen wird/werde aus der Tartarey komen/
Dann er schreibt von Gog vnd Magog/welche ko-
men werden von der seiten von mitter nacht/vnd ein
vnzelich gros heer/vnd viel volcks furen vnd kriegen
widder die heiligen. Vnd Josephus schreibt/das
Magog ein vater vnd stamme sey der Scithen/die
man itzund die Tartaren nennet. Auch sihet man
wol ynn der Apocalypsi Johannis/ das Gog vnd
Magog das letzte vnd mechtigst köningreich auff er-
den sein sollen/welches ein gros vnzelich heer vnd zal
volcks haben wird/vnd krieg furen widder die heili-
gen/das ist/widder die Christen/ Welchen Magog
Christus zu seiner zukunfft wird vertilgen.

Vnd Sanct Hieronymus vber den Propheten
Ezechiel zeiget an/das ein alt sagen vnd gemeine rede
bey den alten Christen gewesen sey/das die Scithe/
die da wonen an der see/die man nennet Maeotin/vnd
am grossen gebirge Cancaaso/nach tausent iaren nach
Christus geburt komen sollen/vnd widder die heiligen
krieg furen.

Das selbige alles sampt reimet sich vnd trifft zu
D iij mit

mit dem auffkommen vnd wesen der Türcken/Dan die
historien zengen an/das sie aus der Tartarey her ko-
men. Es ist auch ein alte rede/das der gros Alex-
ander die roten Juden habe vorzeiten hinder das ge-
birge/das man Caspius montes nennet/versperren
vnd einschliessen lassen/vnd damit sie bleiben musten/
das gebirge mit einer eisern thür befestet/vnd hab Got
gebeten/das er die leuth wolte yn dem gebirge also ver-
schlossen behalten/ Vnd weiter meldet die selbig al-
te rede/wie die selbigen roten Juden ynn den letzten ze-
iten würden er für brechen/vnd solt also zugehen. Es
wird ane gefehr einer aus yhnen einen fuchs hetzen/
vnd ynn dem das yhm der ieger nach eilet/wurde der
fuchs yhnen furen an ein loch / vnd den ort wür-
de der ieger mercken vnd seinem volck anzeigen/Vnd
durch dasselbige loch solle das volck heraus fallen yn
Asiam/vnd der Kirchen grossen schaden thun/Wie
wol es nun mocht für leichtfertig geacht werden/das
ich ynn diesen wichtigen sachen diese fabeln erzele/so
weis ich mich doch zu erinnern/das ich solchs etwa
gelesen vnd gemalet gesehen / Vnd wann ich es recht
bedencke/so sibet michs an/es sey nicht von einem ge-
ringen man herkomen odder ertichtet/ Denn es ist
war / das zu den zeiten Alexandri diese Scythen ynn
Asiam gefallen sein/vnd er hat sie zu ruck getrieben/
vnd am grossen gebirge Caucaſo/da die claus ist/ein
feste stad gebawet/den selbigen vöckern zu weren/
das sie kein einfall ynn Asiam thun mochten/Vnd
sind also durch dieses furnemen Alexandri ynn dem
gebirge versperret vnd da behalten / nicht allein bey
dem leben Alexandri/sondern auch zu den zeiten seiner
nachkomen/ Denn wie wol sie etlich mal versuchten
eraus zu fallen/vnd die stad/ so Alexander erbawet/
vmbkereten/

umbkereten/ so hat sie doch Antiochus wider gebawet/ vnd sind derhalben ynn vnd zwischen dem gebirge versperret behalten/ so lange das reich Alexandri vnd seiner nachkomen geweret hat. Etlich nennen das gebirge Caspius montes/ die andern Caucasum/ aber es ligt nichts daran/ Denn Strabo schreibt/ es sey ein gros gebirge/ das man an einem ort nennet Caucasum/ am andern Caspius montes.

Caspig
montes

Dernach aber da Alexanders reich ein ende hatte/ sind sie erfurbrochen vnterm Römischen reich/ aus dem gebirge/ durch die clausen/ Vnd hat yhnen ein fuchs den weg geweiset/ Dieser fuchs ist der Mahomet/ der selbig hat den Türcken ein regiment gemacht vnd angefangen/ dadurch sie zu diesem reich/ so sie itzund haben/ komen sind.

Mahomet.

Das sie aber die roten Juden genent werden/ das reimet sich auch auff die Türcken/ denn sie lassen sich beschneiden/ vnd haben sonst viel Jüdischer weise vnd Ceremonien angenommen/ Vnd gleich wie es die Juden dafür haltē/ sie seien allein gottes volck/ vnd man müsse durch die beschneitung vnd ander eusserliche werck vnd Gottes dienst from werden/ Also haben den wahn auch die Türcken. Der gleichen verstehen sie die verheissung yn der schrift/ von einem weltlichen reich/ gleich wie die Juden noch heutigs tags von yhrem Messia reden/ vnd warten er werde komen ein weltlich Königreich auff erden anzurichten.

Vnd das sie nicht allein Juden/ sondern rote Juden genennet werden/ mag auff das kriegen vnd morden gedeutet werden/ das die Türcken treiben/ dann es sind

Edom

es sind eitel bluthund. Doch bedünckt mich/das durch dis wort / Rote Juden/ sey angezeigt/ das sie Edom seien/ denn Edom heist roth / Nu sind Edom zum teil Araber/ dauon wir droben gesagt/ das Mahomet ein Araber gewesen. Darumb zeiget das wort/ Rote Juden/ an/ das die Türcken nicht geboren Juden sein sollen/ sondern frembde/ vnd haben Judische sitten vñ weise mit Mahomet vnd den Araber vnd Edom angenommen. Wie auch Edom allezeit ynn der schrift bedeutet nicht ynn gemein die Heiden/ sondern den Esau/ der diesen schein haben wil/ Er sey Gottes volck vnd hat eufferlichen Gottes dienst/ weis doch nichts von gnade vnd glawben/ vnd verfolget rechte lare/ vnd wil ynn der welt herschen/ Solche Esau sind auch die Turcken/ die sich rñmen von Gottes dienst/ vnd trachtē nach dem roten blütigen mus/ das Esau geessen/ das ist/ nach der welt herrschafft/ vnd vnterstehen sich den Jacob/ die Christen vnter zu drucken/ wie dann die Propheten auff diese meinung sonderlich viel vber Edom klagen.

Dis sey gnug von der Turcken vrsprung/ Nun wollen wir widder auff den spruch auffm Daniel kommen. So nun Daniel redet von einem solchem Königreich/ yn welchem ein newe lare vñ glawe dem Euangelio zu widder/ sol ertichtet vnd auffbracht werden/ vnd kein lare auff erden ist/ die da vnuerschampter/ offentlicher das Euangelium verdampt/ dann die Mahometische lare/ so mus es von dem Mahometischen Reich verstanden werden/ Vnd die weil vnter allen Mahometisten kein volck gewaltiger ist/ dan die Turcken/ folget das Daniel von den Turcken vornemlich mus verstanden werden/ nach dem es war vnd gewis ist/ das

ist/das der Türck die drey grosse Königreich ynne hat/
welche zuuor vnter der Römischen Monarchy/vnd
des selbigen Keiserthumbs stucke gewesen seind/dann } Aegyptus
Aegyptus ist ein eigen Königreich / Asia ein eigen Kö } Asia
nigreich / Grecia auch ein eigen Königreich gewesen/ } Grecia
Daruber reimet sich hier zu die Prophecey Ezechielis/
das Gog vnd Magog ynn den letzten zeiten der
Christlichen kirchen gros leid vnd drangsal thun sol-
len. Nun halten vnd schreiben alle das Gog vnd Ma-
gog die Tartaren sein/ von welchen die Türcken her-
kommen. Derhalben seind die selbigen Propheceien vor-
nemlich von dem Türckischen Königreich zuuerste-
hen.

So es nun gewis ist/das Daniel von dem Tür-
ckischen reich redet/ so sollen wir vleissig achtung ge-
ben auff die warnung Gottes/ vns hieten vor dem
Gottlosen reich der Türcken/vnd vns rüsten widder
die falsche lare vnd alle ergernis/die das Türckisch
reich vnzelich mit sich bringt / Dann wir sehen hier
klar ym Propheten Daniel/das dis gantz reich von
Gott selbs verurtheilet vnd verdamnet wird/ che
es auffkomen ist/ Vnd sagt der heilig
geist klar eraus lang zuuor/es wer-
de stracks widder
Gott sein.

¶ Unterscheid

Vnterscheid des Turckischen Reichs vnd anderer königreich.

Mit andern königreichen hat
es viel ein ander gestalt / Gleich wie der ehe-
stand von Gott geordnet vnd ein gute Crea-
tur Gottes ist / eingesetzt zu einem guten brauch / nem-
lich kinder zu zeugen &c. Vnd wie wol nicht alle
ehe leuth heilig seind odder gleybig / so ist doch der
stand an yhm selbs gut vnd Gott gefellig / auch seind
doch etliche heiligen ynn dem selbigen stand / vnd ist
nicht widder Gott odder vnchristlich des stands brau-
chen / Also seind alle ander königreich / fürstenthumb /
herrschaften / Oberbeuten / ynn der welt ein stand von
Gott geordnet / vnd ein nutz / gut / hohe nöthigs ampt /
gemeinen frieden / gericht vnd recht ynn der welt zuer-
halten. Vnd wie wol sie nicht alle from vnd heilig
seind / die ynn dem stand sind / so ist doch der stand an
yhm selbs gut vnd Gott gefellig / Vnd mag ein Christ
ynn dem ampt wol sein vnd bleiben / wie dann der Kö-
nig Ezechias / Josaphat / vnd der gleichen hohe leut /
ynn dem stand gewesen.

Vnd also seind alle königreich der Heiden / vnd
der itzigen vnser Fürsten vnd herrn / ein guter stand /
Dann es ist Gottes ordnung Roma 13. gemeinen frie-
den / gericht vnd recht zuerhalten. Darumb seind yn-
den königreichen der heiden viel heiligen gewesen / die
zu warhafftigem erkentnis Gottes komen seind / vnd
hat sie der Fürstenstand odder königreich nichts dar-
an gehindert / Als Nabugdonosor / Cyrus / Constan-
tinus / Theodosius / Carolus. So seind nu die oberkei-
ten vnd

ten vnd Königreich / die yhres ampts warten / vñ nicht
darauß gestiff: sein / die rechte lare von Gott vnd Göt-
lichem erkentnis zu dempffen / eitel gute stende.

Aber des Türcken reich ist diesen nicht gleich /
dan es ist nicht vornemlich darumb auffgericht / ge-
meinen fried / gericht vnd recht zuerhalten / sondern
den Alcoran ynn die welt zu bringen / vnd zu erhalten
die Mahometische lare. Derhalb wird das reich vom
Propheten Daniel so gantz schrecklicher weise abge-
malet / nemlich / das das horn ein man hatte / welches
grewlich ding redet / dann ynn diesem reich ist der Al-
coran erstlich ertichtet / vnd dadurch ynn die welt aus-
gebreitet.

Im Alcoran aber ist nichts dan eitel vnuerschampt ^{Alcoran.}
lügen vnd gewlich Gottes lesterung / Dann darinne
rühmet sich Mahomet / er sey ein Prophet von Gott
gesand / zu endern die lare des Euangelij / lengnet vnd
verneinet die Gottheit Christi / auch nimet gantz weg
die rechte Christliche lare von der gnade / vergebung
der funde / vnd vom glawben / darinne doch der rechte
warhafftige Gottes dienst stehet. Damit aber die gro-
ssen gewlichen teußfels lügen ein schein haben / so ma-
chet er dennoch die selbige lare gemess menschlicher
vernunfft / Dann er setzet etliche viel gebot von eusser-
lichen wercken vnd Gottes diensten / Derhalb haben
auch viel Philosophi / die ynn Sarracenischer sprache
geschriben / die lare seer gelobet / Wie es dann allzeit
geheth / das alle ketzereien / so widder die schrift seind /
menschlicher vernunfft wolgefallen / Vnd wir Chris-
ten sollen vns billich diese schreckliche grosse Exem-
pel warnen lassen / das wir nicht zu viel auff mensch-
lich

*Mensch
augen*

lich vernunfft bawen / Darumb hat auch das horn
menschen augen / welche bedeuten menschliche witz
vnd vernunfft / Dan zu solchen laren hat die vernunfft
lust / welche sie begreifen kan / als von cusselichen wer
cken / das kein andere gerechtigkeit vor Gott sey / denn
ein bürgerlich leben / nicht stelen / nicht rawben / die
freund nicht morden / vnd daneben aus eigener wahl
ein weis furnemen / als Got dadurch zu ehren vnd viel
damit verdienen. Solche ding siset die vernunfft
an / weis auch von keiner andern höhern fromkeit vor
Gott / als von glawben on verdienst / von rechtem leis
den vnd Creutz / sondern sperret die augen auff / vnd
siset nach den wercken / vnd ertichtet selb ein werck
vber das ander / vnd pochet darauff / als müsse Gott
solche werck hohe achten / die er nicht befolhen hat /

*Man
mü*

Daher sind auch bey den Türcken mancherley mün
cherey entstanden / Etlich gehen den gantzen winter
blos / Etlich lassen sich mit eisen brennen / Etlich fastē
viel tage an einander / vermeinen damit viel zu verdies
nen / vnd geben fur / sie reden mit Engeln / Etlich ha
ben dennoch nützlich werck fur / tragen born wasser
vmb ynn den grossen stedten am meer / das die leut zu
trincken haben Etlich herbergen armen frembde leut /
vnd beweisen dadurch yhre heiligkeit.

Amurathes

Es ist auch der Türckischen keiser einer genant
Amurathes / vor grosser heiligkeit ein münch bey yh
nen worden / der zu vor den König zu Dungen bey
Darna erschlagen / vnd ynn gantzem Asia vnd Euro
pa seer viel bluts vergossen hat. Dis sind eitel men
schen augen / da Daniel von sagt / denn solche werck
helt die vernunfft fur hohen / köstlichen vnd heiligen
Gottes dienst / vnd ist nicht möglich / das die iheni
gen /

gen / so nicht ein rechten verstand des Euangelij von
der gnade Christi haben / nicht solten durch solche
gleisnerey betrogen werden / Wie itzund die newen
münch / die widerteußfer / die leut betriegen / leren man
solle nicht byrret / sondern hüet vnd grawe röck tra-
gen &c. Daruber sind auch bey den Türcken die gro-
ße kunst furgeben mit Allegorien / vnd heissen der halb
theorici / die deuten den Alcoran geistlich / wie Julia-
nus Apostata das Euangelium hat deuten wollen /
vnd nach vernunft auslegen / vnd aus allen glauben
yn der welt einen einigen Philophischen glauben ma-
chen.

Dis gauckel spiel mit allegorien sind erst die rech-
ten menschen augen / da hat man lust zu / wie man bey
vns lust zum Origene gehabt / der die schrift mit vnge-
reimpten Allegorien tamerlich zerrissen hat / wie man
auch itzund lust hat zu denen / so die Sacrament mit
Allegorien zu nichten machen.

Der Herr Christus gibt dem teuffel zween titel /
Erstlich nennet er yhnen ein lügner . Zum andern ein
mörder / Die weil aber des Türcken reich zu allerley
lügen / zu Gottes lesterung ist auffgericht / so ist es ge-
wis des teuffels werck / So es nun des teuffels werck
ist / so kan es nicht feilen / die Türcken seind nichts /
dan eitel bluthunde / verzweiffelte reuber vnd mörder /
Dann es hat nie anders gangen / wo der lügen geist
mit falscher lare angefangen odder auff komen / da
hat mord als bald gefolget / nicht allein der seelen / son-
dern auch leibliche todschlege vnd viel blut vergiffen /
Vnd alle ketzereien haben den flecken / vnd bringen
das mal zeichen mit sich / dabey sie zu kennen sind / das
L iij sie mord

ſie mord anrichten/ſuren wie Judas die geharniſchte rotte mit ſich/wollen ſich mit gewalt verfechten/darumb ſollen frome hertzen nur bald fliehen/vnd ſich weit hüteten vor den lerern/die yhr lare mit der fauſt verteidigē wollen/dan das iſt ein gewis zeichen/das ſie vom teuſſel ſind.

Nun iſt aber die Türckiſch lare die größte/schrecklichſt ketzerey/ſoyhe auff erden komen/vnd das letzte wüeten der letzte grimmige zorn des teuſſels vor dem Jüngſten tag. Darumb iſt auch rawbens/mordens/vnd des Tyranniſchen ſchrecklichen blut vergiffens bey yhnen kein zal/mas noch ende/vnd ſetzen ſich widder die Chriſtlichen kirchen/nicht allein mit der lare/ſondern auch mit der fauſt/mit dem ſchwerd vnd höheſter gewalt/vnd vnterſtehen ſich das Euangelium vnter zu drucken/Darumb ſagt Daniel/er wird krieg ſuren widder die heiligen. Item/er wird Gottes geſetz vnd ordnung verendern wollen/das iſt/er wird ſich vnterſtehen Gottes wort weg zunemen vnd das zu tilgen/da Got beſchloſſen hat/es ſol ewig bleiben/vnd welchs Gott wil vngetilget haben. Dann Gott hat beſchloſſen/die kirche ſolle ewig bleiben/wie wir ynn vnſerm glawben bekennen/das allzeit auff erden ein Chriſtliche kirche ſey vnd bleibe/da wir ſagen/Ich glewbe ein heilig Chriſtliche kirchen/Vnd Chriſtus ſagt/Die pforten der hellen ſollen ſie nicht vberweldigen/Vnd ſagt von ſeinem wort/Himmel vnd erden werden vergehen/meine wort aber werden nicht vergehen. Widder dieſe ſprüche vnd feſte mawren legt ſich der teuſſel/vñ vnterſtehet ſich dieſe burg umb zu kieren/Aber er wirds nicht hinaus ſuren/wie wol er ſein beſtes verſuchen vnd trefflich groſſen ſchaden thun

thun wirdet / Dann Gott verhenget / das wir vmb vns
danckbarkeit vnd sünde willen gestrafft werden.

Darumb stehen da zwey wort / die dan billich alle
Christglaubigen erschrecken sollen / Eins das der
Turcke werde vberweldigen die heiligen. Zum andern
er werde die heiligen verstören / Wilch schreckliche
dingynn diesen Worten gedrawet sind / hat gantz Asia
vnd Grecia allzu viel mit dem werck vnd der that erfa-
ren. Dann an diesen orten sind seer wenig Christen
mehr / vnd nemen teglich ab / dann an etlichen orten
hat er alles was Christen namen gehabt odder bekennet
erwürget. An andern orten verwüstet er die Kirchen
auff ander weise / nemlich / das er nicht lest das Euan-
gelium predigen / gestattet auch nicht vntern Christen
schule zu halten / so doch aneschule Gottes wort nicht
geleret noch erhalten mag werden / Seer viel bringt
das ergernis zu fall / das sie sehen das gros glück vnd
den sieg / so der Turck so lang gehabt / Dñ die weil we-
nig Christen sind / die rechten verstand des Euangelij
haben / sondern der mehrer teil meinet Gottes dienst
stehe ynn eusserlichen wercken vnd vbnungen / vnd nicht
ynn glauben der gnad von Gott on verdienst wartet
vnd empfehet / so fallen viel von Christo ab / von we-
gen der gleissenden werck / die sie bey den Turcken se-
hen / vnd meinen diese leut müssen Gott wol gefallen /
die weil sie auch solche schone werck thun.

Ob auch wol etlich vnerfahren leut sagen / er las ye-
derman glauben / was er will / so helt sichs doch nicht
also / dann allen den ihenigen / so er vnter sein gewalt
bringt / da nimet er den eltern mit gewalt das drit-
te kind / das müssen sie sehen vnd hören / das yhr
eigen

eigen liebsten Kinder ynn dem schendlichen Mahometischen yrthumb auffgezogen / vnd zu allen Türckischen sitten gewenet vnd vnterweiset werden.

Daruber / ob gleich Christen vnter dem Türcken sein / so ist doch verboten / widder das gesetz Mahometi zu reden / Wer auch da widder redet / mus sterben / Nu sind wenig die da widder predigen / darumb wann die ihenigen / so ane das schwache Christen sind / sehen die Türcken yn allem vberflus vnd pracht / ehre vnd gut haben / vnd das die Christen / wie arme hunde bey yhnen veracht vnd allenthalb vnter die füs getreten / thun sie wie menschen pflegen / vnd volgen ymmer wo das glück hin felt / gehen dahin mit dem hauffen / lassen Christum faren / vnd gebē sich zu dem Türckischen glauben.

Denn der boswicht Satan meinet warlich die Christen mit ernst / vnd ist dem Heiland vnd dem namen Christi also gantz vberaus bitter feind / das es mit keinen gedanken noch worten zuerlangen ist / darumb legt er sich mit aller gewalt widder den Christum / vnd versucht es ynn alle wege / mit falscher lare / mit falscher heuchelischer heiligkeit / mit reitzung vnd wollust der leiblichen güter vnd gewalt vnd blut vergiessen. O lieber Herr vnd Heiland Christe / der du allein mit deiner Göttlichen krafft zu treten hast das heubt der schlangen / vnd allein gewaltiglich zubrochen vnd zurissen hast das reich des teuffels / du wollest vns arme gnediglich schützen / widder den listigen bosen geist vnd seinen grossen itzigen ernst vnd grossen wütenden grimmigen zorn.

Aus den obangezeigten worten erscheinet gnug /
was

was diesewort des prophetē daniel wollē da er sagt/
das er vberweldigē vnd zerstörē sol die heiligē/ den er
macht der Christen weniger an allen orten/ greiffi sie
an mit gewalt/ vnd mit allerley ergernis Danielsagt
hie vnten von Antiocho Epiphane/vñ wil doch durch
Antiochum anzeigen auch die ihenige herrschafft/ die
sich vor dem Jüngsten tag zu den letzten zeiten wird
widder das Euangelium setzen/ ein newe Gottlose la-
re/ vnd newe vngöttliche Gottes dienst widder das
Euangelium auffbringen/ Die weil aber der Pro-
phet an dem ort nicht allein vom Türcken redet/son-
dern auch von andern herrschafften/ als vom Papst
vnd seinem anhang/ wil ich danon nicht sagen/ vnd
sey gnug/ das wir diesen ort ym siebenden Capitel ge-
handelt haben/ der vns klar vnd reichlich gnug leret/
das der Türcken reich widder Gott sey vnd vol Got-
tes lesterung.

Zum andern ist ein vnterscheid zwischen des Tür-
cken reich vnd den andern Königreichen/ nicht allein
des glaubens odder der lare/ sondern auch der eusser-
lichen weltlichen zucht halben. Dann zu einem
rechten Fürstenthumb vnd Königreich gehört ei-
gentlich/ das es gefaste gericht vnd recht gute gesetze
vnd ordnung habe/ Also/ das die selbigen der ver-
nunfft vnd natürlichen rechten gemess seien/ aber der
Türcke hat noch helt der keines/ Wie wol ich nun ym
etlichen büchlin/ so die ihenigen geschriben/ welche
ym der Türckey gewonet/ gros vnd viel lobes gelesen
habe/ das die Türcken ein schone zucht vnternander
haben/ wie alle yhre weiber mit verdackten angesich-
ten müssen einher gehen/ also das mancher vater seins
sons weib nimmer bloßes angesichts sibet.

Item/
F wie sie

wie sie nicht schwelgen odder sauffen/ nicht spielen/
so seind es doch an yhme selbst eitel kinder werck/
Man mus viel mehr ansehen/ wor auff furnemlich
das gantz reich gestift vnd geordnet ist. Nun hat der
Mahomet ynn seinem gesetz geboten/ das die Tür-
cken sollē vnd müssen vmb sich greiffen/ vnd alle land
vberziehen/ ob sie schon nicht vrsach dazu gebē/ Denn
yhr Alcoran leret sie/ wie sie Gottes volck vnd Abra-
hams kinder seien/ denen die verheiffung/ so Abrahe
geschehen/ zugehor/ das sie sollen herrn ynn aller welt
werden. Die andern Königreich halten natürlich
recht/ das man den nicht beleidigen sol/ der nicht zu-
vor gewalt odder freuel geübet hat/ vnd ob schon et-
wa ein König solchs nicht helt/ ist der stand darumb
nicht zu taddeln/ denn des reichs ordnung ist an yhr
selb recht. Aber bey den türckē ist yhres reichs ordnūg
vnrecht/ Denn sie gebent/ das man krieg widder alle
natürliche recht vnd billigkeit anfahen mus/ vnd die
vberfallen/ so yhnen kein leid gethan. Was ist das an-
ders/ denn eitel öffentlich mord vnd rawb gebieten?
Derhalben das Türcken reich auch ein stand ist/ der
gantz widder Gott ist.

Was hatte der frum König zu Hungern Ludwig
dem Türcken gethan/ das er yhn vberfiel/ vmb sein le-
ben bracht? Was hatte yhm newlich Deudsch land
gethan/ das er so eilend vnnerwart aller ehrē/ ist mit so
grosser heeres krafft eingefallen/ vnd mit brennen vnd
morden so grossen schaden ynn vier wochen gethan?
Also gehen des Türcken krieg widder aller ander Kö-
nigreich brauch/ kriegs recht vnd weise/ widder alle
erberkeit vnd natürlich recht/ vnd stracks vnd gantz
öffentlich widder das gebot/ Du solt nicht tödten/
Derhalben

Derhalben ist das gantz Königreich nicht anders/
dann ein grosser hauffe mörder vnd bluthunde/ ob sie
wol ynn Türckey vnter sich etwas erbar leben / stelen
vnd morden vnter sich verbieten / Dann es mus yhe
auch vnter mördern vnd strassen reuber ein friede sein/
sie würden es sonst nicht lang treiben.

Wie er nun alle seine Kriege anseheth widder natür-
lich recht/ also helt er auch kein Kriegs brauch noch
ordnung / sondern wüthet auffß grausamst/ als der lei-
dig teuffel selbs / Dan yn allen andern Kriegen ist der
brauch/ das die ihenigen/ so obligen vnd den sieg bes-
halten/ weerlosen leuthen/ weibern/ kindern/ Francker
vnd alter leuthe schonen/ Aber der Türck erwürget al-
les ane alle barmhertzigkeit/ Dann was gieng yhnen
newlich vor Dien ynn Osterreich not an/ das arme
elende landvolck/ das aus dorffern/ an ander orten zu
lauffen ynn der flucht war/ mit weib vnd kind/ klein
vnd gros/ so tyrannisch zu erwürgen/ vnd an armen
weerlosen leuthen so viel vnschuldigs blut zu vergies-
sen/ Wer hat yhe ynn historien der gleichen gehört
odder gelesen/ Das geschicht alles widder natürlich
vnd alle Kriegs recht/ da man yhe weerloser leut pflegt
zu schonen.

Der Türck aber tödtet nicht allein weib/ kind/
arme alte Francke leuth / sondern zurhacket sie mit
sebeln/ wie die metzler das viech zurhawen. Wann er
stedte einnimpt/ erwürget er on vnterscheid alles was
er findet/ wie er ynn Methone vnd Chalcide gethan
hat/ vnd an vielen orten/ das man gantz gewisse histo-
rien hat/ Wo er aber nicht alles erwürget/ da suret er
die besten leuth/ weib vnd kind/ vnd iunge manschafft
S ij gefangen

gefangen weg / stelletz ynn Türckey nacket auff dem
marckt / lest sie schendlich besehē / vnd verkaufft sie dar
nach ymbs gelt / wie das viech.

Da er Constantinopel hatte eingenomen / hat er
erwürget klein vnd gros / weib vnd kind / priester / alte
leuth / alles was odem hatte vber ein hauffen / Dat
drey gantze tage die Stad plündern / vnd sein Kriegs
knechte allen teuffelischen mutwillen vben lassen / Da
hat er mit frawen vnd iungfraw schenden so greulich
gehandelt / das es schendlich zu schreiben / Dernach
hat er auch an den armen todten corpem sein mutwil
len geübet.

Der frum Keiser Constantinus der zeit hat verhüten
wollen / das er dem bluthund vnd böswicht nicht le
bend yn die hende wurde / Darumb hat er ein schlecht
Kleid / wie ein ander gemein Kriegs knechte / anzogen /
vñ da ym sturm / so lang er hat ein adern regen könnē /
sich geweret / bis er entlich tod bliebē. Da es der türck
erfahren / hat er den corper suchen lassen / dem selbigen
also tod den kopff abgehawen / vnd auff einem langen
spies gesteckt / vnd ynn der Stad durch alle gassen als
ynn einem triumph / des todten Keisers haubt lassen
ymbher tragen / dabey schreien vnd trumeten lassen.
Des Keisers son aber / sein gemabel die Keiserin / seine
tochter / die hat er behalten vnd leben lassen / vnd her
nach gebunden ynn seine banketen schleiffen lassen /
spotterey aus yhnen gemacht / vnd da sie schen
den vnd endlich vor seinem angesicht zu hacken las
sen.

Diese tyranney ist vbermessig gros vñ vnerhort / das
es gleich

es gleich vngläublich lautet / vñ mocht einer dencken /
es künd der teuffel selbs nicht so tyrannisch sein / Aber
die historie ist so alt nicht / Es sind erst sechs vñ sieben
tzig iar / das Constantinopel verloren / vnd dis alles
grewlicher dann es yemand sagen mag ergangen vnd
geschehen ist. Solchs schreiben redliche glaubwirdi
ge leuth / die diesen dingen alle zu Venedig vnd andern
ortern auffss vleissigst nachgefragt.

Daruber hat der Türck die zeit zu Constantino
pel lassen ein Creutz auffrichten mit ein bilde Christi /
vnd dasselbig mit kot vnd vnflat geworffen / vnd vber
das Creutz lassen ein schrift machen / welche also lau
tet / Das ist der Christen Gott. Darnach hat er als
ein feind des glaubens / alle bücher verbrent / darumb
das Christliche lare darinn geschriben war. Ein
solcher kriegs man ist nun der Türck / das er widder
Gott noch ehr / keiner natürlichen recht odder irgend
ein erbarkheit achtet. Zu dem verwüst er alle lender /
auch ernach / so er sie eingenomen hat / zerreist die sted
te / erwürget odder verkaufft die leuth / so doch kriegs
recht ist / das man nach dem sieg den lendern frü
den schaffe vnd gute policey anrichte / vnd land vnd
leuth erhalte / Vorzeiten ist kein land auff erden scho
ner erbawet gewesen / dann Asia vnd Grecia / Auch
sind die edlesten künsten vnd löblichste policey an den
selbigen orten gewesen. Itzund wonen da eitel hirtten /
dann die Türcken haben grosse viech zucht / Vnd wie
die Stedte zerrissen sind / also sind da alle edele kün
ste gantz vntergangen / Dann der Türck acht keiner
kunst odder Philosophi / wie doch die Heiden geacht
haben / Nicht auch kein ordenliche policey an / sondern
macht eitel wildt Barbary an allen orten / Damit er
F ij seinem

seinem namen ia genug thue/ denn Türck heist vastator/ das ist/ ein verwüster/ so heist Mahomet/ furor/ das ist/ grim/ Vnd ist durch solche namen bedeutet/ das der Türcken reich eitel morderey vnd verwüstung sein wurde.

Über das ist das wesen/ so er außserhalb Kriegs daheim furet/ auch nicht besser/ denn ynn allen regimenten vnd policeien sol sein die furnembste ordenung der ehestand. Bey den Türcken aber ist gar kein ehestand/ dann sie mügen nach yhrem gesetz zu gleich zwelff weiber haben/ vnd darüber beyschlefferinn so viel sie wollen/ Auch mügen sie yhre weiber on alle erkenntnis von sich stossen/ wann sie wollen. Das ist nun kein rechter ehestand/ wann der man das weib mag verlassen seins gefallens / vnd mag ander weiber nemen so viel er wil/ Dan ein rechter ehestand ist ewig verbundnis odder verpflichtung/ nicht das einer heut ein weib zu sich neme/ morgen las er sie wider lauffen vnd neme ein andere/ wie die Canonici auff den hohen stiftē mit yhrem gesind ein leben furen/ dem selbigen wesen ist der Türcken ehestand seer gleich.

Was kan nun guts bey den Türcken an Policey sein/ so sie ein solch wüst wesen aus dem ehestand machen/ welcher das beste vnd groste stück ist nicht allein yn der Policey/ sondern ynn gantzem menschen leben/ Man darff sich nichts gutes versehen zu allen den ihenigen/ so den ehestand vnehren/ Dann die weil der ehestand ein recht edel Gottes werck ist/ so ist es gewis/ das alle die ihenigen von dem teuffel her komen/ die den selbigen vnehren. Darumb finde ich fast ynn allen ketzereien/ so von anfang der Kirchen auff komen
odder

odder gewesen / diesen artickel / das sie den ehestand
verboten haben / Es wurde aber hier zu lang / alle ket-
zereien namhaffrig vnd nach der lenge zu erzelen / vnd
zu sagen / wie alle ketzer vnd yeder ynn seiner secten / hat
seine heiligkeit damit beweisen wollen / das er die ehe
verboten. Was aber der teuffel durch solch verbot hat
angericht / wie er ynn aller welt so viel schendliches
lebens / vnd allerley vnzucht hat eingefurt / ist allzu viel
am tag / Dann die historien zeigen gar gewulich hes-
lich laster an / von den Marcioniten / von Manicheern
von Gnosticis / von den Hieraticis vnd vielen andern /
Es ist auch ein sect gewesen etlicher münche / so ein-
del gewest / die auff Griechisch sind Aeschurgi genent
worden / vmb yhrer heimlichen vnzucht vnd schendli-
chen lebens willen / das sie gefurt haben / da von Epi-
phanus schreibt / wie solche vntugent an tag komen
sey / was auch der Papsst habe guts angericht mit
dem verbot des ehestands ist auch am tag.

Paulus warnet trewlich vnd sagt / Es sind teufels
laren / so den ehestand verbieten / Vnd der Prophet Da-
niel sagt ynn einem andern Capitel / da er auch den An-
tichrist beschreibt / das er dis zeichen haben werde /
Er werde den ehestand verachten / dann also sagt er /
Er wird seiner veter Gott nicht achten / vnd wird wid-
der weiber liebe noch kein Gott achten / denn er wird
sich vber alles erheben. Also hat vns die schrift
vleißig vnd trewlich gewarnet / das wir wissen mügen
das die ihenigen / so den ehestand vnehren / nicht aus
Gott sind.

Nun die andern ketzer alle haben durch verbot
des ehestands ursache zum ehebruch geben / das des
selbigen

selbigen nur mehr vnd viel worden/ Aber der Türcke
gibt vrsach vnd mehret allerley ehebruch auff ein an-
der weis/ Dann er hat gesetzte/ die stracks widder alle
ehespflicht/ widder alle ehelich recht vnd leben ist/ dar-
umb kan es nicht abgehen/ Got mus die Türcken stra-
ffen/ vnd sie yn verkarten sinn dahin geben/ das sie ynn
grosse gewliche vnnatürliche laster fallen/ Dann sol-
che offentliche verachtung des ehestands/ als ein ver-
achtung Göttlichs wercks/ pflegt Gott also straffen/
Die were viel zu sagen von yhrer vnnatürlichen vn-
zucht/ das ich etlicher vrsache halben nachlasse.

So nu solch gewlich laster sind ynn des Türcken
reich/ kan man yhr zucht nicht hoch loben/ ob sie
gleich etliche enfferliche werck vnd geberde haben/ die
nicht vbel stehen/ als das sie vnter sich einander erlich
halten/ das sie yhre weiber mit verdacktem angesicht
einher gehen lassen/ wie wol wo der teuffel so weit ein-
gerissen/ so mechtig vnd gewaltig ist/ das die furnem-
sten stücke der Policie widder Gott nach des teuffels
willen gehen/ da wird er sich on zweiffel auch erzeigen
an andern geringen stücken/ vnd alle rechte nutzliche
zucht zurutten/ ob er gleich daneben bleiben lest etwas
das nicht zur besserung/ sondern zum schein dienet/
Dann er ist ein lügener/ wie Christus sagt/ Darumb
hat er lust zur heucheley/ das er also betrieg die einfel-
tigen.

Vermanung.

Bis anher haben wir gesagt/ was des Türcken
Reich fur ein gewel sey / vnd was die schrift zuvor
von dem selbigen verkündiget / vnd wie trewlich sie
vns

doch daraus nicht / das neme yhm keiner ynn sinn /
Gott der Herr lest nicht vngestraftt odder vngerochen
weg gehen / die verachtung des Euangelij vnd des hei
lands Christi.

Es hat Gott der Herr von anbegin der welt offte
vnd mit vielen exempeln angezeigt / wie ein grosser treff
licher vnmesziger ernst vnd geschwinder grim des zorn
nes / das ist / wann er nach langer gedult endlich sein
vngnade vnd zorn vber die welt gehen lest / das zeige
an die sindflut / welche yhe ein schrecklich exempel ist /
Das zeigt auch an die greulich zurstörung der Stad
Jerusalem / Vnd wir sehen teglich / was die Türcken
für iamers vnd hertzleid anrichten. Solche exempel
soltten vns billich zu hertzen gehen vnd bewegen / Wer
den sie vns aber nicht zu hertzen gehen / so wird die ers
farung vns yn die hand komen / als dann wird es mit
dem schreien vnd ruffen zu lang gebeit sein / wie ym .17.
Psalm stehet / Sie werden ruffen etc. vnd ich werde sie
nicht horen. Derhalben / die weil die angenehme zeit ist /
so last vns bitten / vnd zu Gott schreien / Dann dis ist
noch die angenehme zeit / da vns Got das Euangelium
rein predigen lest / ynn welchem wir lernen / das Gott
vns will barmhertzig sein vnd sünde vergeben vmb
Christus willen / So sollen wir von hertzen gnade bit
ten / vnd hoffen busse thun / vns den ernsten Gottes
zorn vber die sünde lassen zu hertzen gehen / warlich
glauben / das Gott vmb Christus willen wird gnedig
sein / vnd sollen rechte frucht der busse thun / so wird
vns gnade widderfaren / wie Isaias sagt / Wan ewer
sünde gleich blut rot ist / sol sie doch schnee weis wer
den.

Zum andern / ist von nöten ernstlich gebet / dann
G t die

vns warnet dafur zu hüten/ Dann des sollen wir vor
allen dingen gewis sein/ vnd eigentlich da für halten/
das des Turcken Reich sey des teuffels Reich/ dan die
lare/so dadurch erhalten wird/ verdamnet öffentlich
das Euangelium. Daruber treibt der Turck eitel of-
fentlich morden vnd rawben/vnd helt kein rechten ehe
stand.

Dis sind gewisse zeichen/die nicht feilen könnē das
der Turcken reich widder Gott ist/ Gott nicht mag ge-
fallen/Vnd das es nichts anders sey/ dann das letzte
toben vnd grimmiger zorn des teuffels vor dem Jüng-
sten tag/ welcher so bitter feind ist Gott vnd vnserm
Herrn Christo / das er gerne wolt zu grund auswür-
tzeln / austilgen/ vnterdrucken vnd mit fussen treten
den namen Christi/ Wie S. Hieronymus schreibt/
das etlicher veter meinung gewesen sey/das zu den letz-
ten zeiten der teuffel selbst sichtlich werde der König
sein/dauon Daniel zuor verkündiget/ Aber S. Hier-
onymus zeigt dannoch daneben an/das es werden
menschen sein. Er sagt aber dazu/ der teuffel werde
leibhafftig ynn den selbigen leuten wonen/ Er sagt
auch / an welchem ort vnd zu welcher zeit das teuffe-
lisch Königreich werde anfaben/nemlich/wann das
Römisch Reich fallen wird/so werden 10. Königreich
auffkomen / vnd ynn Aegypten werd ein Königreich
auffkomen/das werde drey Königreich einnemen/vnd
die Christen verfolgen.

Dis schreibt S. Hieronymus/ das solchs die als-
ten lerer/ so vor yhm gewesen/ gehalten haben/Das
ist yhe nahe hinzu geraten/Dann Mahomet hat bald
Aegypten eingenomen / vnd die lender/ so an Aegypten
stossen/ Vnd aus den worten S. Hieronymi kan
G man

man mercken vnd abnemen/das vnter den selbigen alten veteren etlich hohe leuthe gewesen/welche sonderliche offenbarung gehabt von dem Konigreiche/Dann Sanct Hieronymus berufft sich auff die lerer vnd veter/so vor yhm gewesen. Nun hat S. Hieronymus gelebet vor Mahomets zeiten bey zwey hundert iaren/Vnd on allen zweiffel die selbigen lieben veter alle haben dieses reich vor ein grewlichen zorn Gottes gehalten.

Zum andern/so spricht auch Gott durch den Propheten Daniel selbs das vrteil von dem Konigreich/verdampft es vnd sagt/Die bestie sol ynn das fiewer geworffen werden. Die weil vns nun der heilig geist gewarnet hat/so sollen wir nicht ynn das reich willigen. Dan die hohe Maiestet Gott der Herr selb hat bereit den Mahomet vnd alle seine anhenger verbannet/darumb sollen wir vns dafur hüten/vnd wissen/das alle so yhnen des Mahomets Reich vnd lare gefallen lassen/von Gott schon verurteilt vnd verdammnet sind.

Aber daruber sollen wir auch ansehen die ursach/warumb Gott so grewlich zornet/Die selbige zeige klar an Paulus. ij. Thessalo. ij. da er vom Antichrist redet vnd sagt/Die weil sie die warheit nicht haben geliebet vnd angenommen/das sie selig wurden/wird yhnen Gott krefftigen yrthumb senden/das ist/die weil sie das Euangelium veracht haben/haben nicht recht zu hertzen gefurt/wie ernstlich Gott vber die sunde zornet/haben nicht gegleubt an Christum/vnd gnad gesucht/ So mügen wir vns auch wol furchten vnd busse thun/das Gott nicht lasse vber vns den grossen zorn komen/Dann ob wol die welt sicher ist/so wird doch

die weill der Türck vnd sein Reich nicht menschen/son-
dern des teuffels macht ist/so kan man yhn mit buch-
sen vñ Cartannē/oder menschlicher macht vñ rustung
nicht vberwindē/sondern wider den teuffel müssen wir
mit ernstem gebet streitten. So sollen wir nu vleissig be-
ten/nicht allein wider die tyranney vñ morderey /so er
am leib vbet / sondern auch widder sein falsche lare/
das Gott der almechtig vmb der ehre willen seines hei-
ligen namens wolle hindern/das die lare nicht weiter
einreisse/ sondern das der Mahomet vnd sein giffte of-
fenbart vnd zu schanden werde/damit doch etlich ge-
wissen errettet werden/ Derhalb so offft wir ym Vater
vnser bitten/ Geheiliget werde dein name/sollen wir
vleissig gedenccken/da selbst widder den Alcoran zu bit-
ten/das Gott die offentliche teuffelische lesterung seins
heiligen namens wolle zu schanden machen/vnd gna-
de verleihen/das das heilig Euangelium weit ausge-
breitet vnd gepreiset werde. Ein solch gebet ist der
aller angenehmste vnd edleste Gottes dienst vor Gott/
Vnd ob du wol schwach vnd ein sunder bist/soltu
doch dein gebet nicht verachten/ Du solt nicht den-
cken/ Ach ich bin ein sunder/was sol ich bitten/Gott
erhort mich doch nicht/sondern du solt also dencken/
Sihe/Got hat geboten/du solt bitten/Darüb du seist
würdig oder vnwürdig so soltu gottes gebot gehorsam
sein vnd wissen/das Got dir gnedig sein vñ dich erhö-
ren wil vmb Christus willen. Dan ob wir schon arme
sunder sein/vnd vnser hertz vnd gewissen erschrocken
ist/so sollen wir doch glauben/vnd gewis dafür ha-
ben/das vmb Christus willen vns die sunde vergeben
sind / vnd das vns Gott erhören wil vmb Christus
willen / nicht vmb vnser verdiensts willen/ Dann
Christus vnser Herr ist warhafftig vnd treuget nicht/
Nun

Nu wissen wir das er gesagt hat/was yhr werdet den vater bitten ynn meinem namen/ das wird er euch geben. Ja dis ist die vnterschied zwischen den Christen vnd den Gottlosen odder heuchlern/das die Christen ein Gott haben/der sich yhr annimpt/der sie veterlich ansehen vnd erhören wil/ Die Gottlosen aber odder die heuchler ob sie wol Gottes namen viel ynn mund furen/ haben keinen Gott. Vnd ist das die vnterschied zwischen den Christen vnd den Gottlosen/ zwischen Christen gebet vnd der heuchler gebet / das die Christen gewis ynn yhrem hertzen sind/darauff fest stehen vnd gleben/Gott wolle sie erhören/ vnd wissen auch das der selbig glawbe yhr gerechtigkeit vor Gott ist/ vnd das es der ware angenehmste / hochste Gottes dienst ist vber alle werck/ so die gantze welt thun mochte.

Ach du lieber Heiland Ihesu Christe/ du wollest gnade geben/ das wir dir warlich also gleben/vnd dich mit freidigem vnd recht kindlichem hertzen anruffen. Ein solch gebet treibt vnd schlecht krefftiglich den teuffel ynn die flucht/das er nicht schaden künne mit seiner falschen lare odder gewalt.

Die sol auch ein yeder Christ ansehen das gebot Gottes. i. Timot. ij. da Paulus besilhet für die oberkeit zu bitten/ Dann die weil da Gottes befehl vnd gebot stehet/ so sind wir gewis/ das solch gebet Gott gefellet/ So sollen wir nun bitten/das wir mit vnserm gebet den ihenigen hülffe thun/ so mit der faust streitten widder den Türcken/ Also haben widder den gewaltigen König Sennaberib erstlich mit dem gebet gestritten/der frum König Ezechias/vnd der Prophet Esaias. Du solt aber nicht also dencken/ Ja das sind

G iij hohe

hohe heilige leuth gewesen/ Ich bin nicht so würdig/
das ich erhört werde/sondern solt Gottes gebot anse
hen. So sind auch Ezechias vnd Esaia nicht von we
gen eigener würdigheit erhört/sondern von wegen göt
licher verheissung/der sie geglewbet haben/ Vnd sind
diese exempel geschrieben vmb vnser willen/das wir
auch also ynn gleichen nöten beten sollen/ vnd Gotte
wil vns gleich auch also gnediglich helfen vnd erhör
ren/wann wir nur frölich auff sein zusage yhn anru
ffen vnd bitten.

Dan Gott ist ein solcher Herr/ dem man nicht als
so dienet/ das man yhm gibet/ sondern das achtet er
vor den hohesten dienst/ wann man von yhm viel bit
tet vnd viel hoffet zu empfangen/wie der xlix. Psalm le
ret/da der Prophet sagt/das ein solch ernstlich gebet/
hertzlich anrufen ynn der noth/ sey der ware hochste
Gottes dienst/vnd nicht/wann wir Gotte dem Herr
ren vnser opffer anbieten. Derhalben sollen wir vleis
ssig bitten auch widder das morden/brennen/vnd an
der wüthen des Türcken/ welchs er Leiblich vbet/das
Gott vnser oberkeit vnd fursten stercken/yhnen glück/
wolfart/ herrlichen sieg verleihen wolle widder den
teuffel/welcher also ynn den Türcken tobet vnd wües
tet/ vnd hat lust/ so viel mord vnd iamers anzurich
ten.

Zum dritten/die weil alle fursten schuldig sein/die
yhren zu schützen vnd zuverteidigen/widder offentli
chen friedbrecher/ so sollen die fursten auch wissen/
das sie das aus Gottes gebote schuldig sein/das sie
den Türcken widderstehen/ als offentlichen friedbre
chern/die schon mit gewalt vnd frenel widder Gott/
ehre

ehre vnd recht/ ynn frembde lande gefallen sein vnd
angriffgethan. Also sagt Paulus zun Römern am 12.
Die oberkeit ist Gottes dienerin/ein racherin zur strafe
ffe/vber den/der boses thut. Auff das selbig Gottes
wort vnd gebot sollen die fursten vleissig sehen vnd be-
dencken/das sie darumb das ampt von Gott haben/
alle yhre vnterthanen ynn gutem schutz vnd schirm zu
halten/vnd gemeinen landfrieden wider solche offente
liche freneler zu handhaben.

Es haben auch die vnterthan Gottes gebot/das
sie sollen den fursten gehorsam sein/ nicht allein aus
furcht/ das ist/ vmb der zeitlichen straffe willen/son-
dern vmb des gewissens willen/das ist/ so sie es nicht
thun/so sundigen sie schwerlich/ vnd handeln widder
Gott/welcher solchs auch ernstlich straffen vnd rechē
wil/Darumb sollen die vnterthan gern yhrer oberkeit
mit leib vnd gut zu dieser vnd ander der gleichen not
dienen vnd volgen/vnd beiderseits wissen/ das sie dar-
an ein Christlich gut werck thun/Dan da stehet Got-
tes wort vnd gebot. Es fragt yederman yn der welt/
welche rechte gute werck sein/vnd wissen viel leut von
guten wercken viel zu schwetzen vnd zu reden /lassen
aber gemeniglich die aller besten nutzlichen werck an-
stehen/vnd thun darnach ander heuchler vnd kinder
werck/Dann da hette wol yederman ursach gute wer-
cke/Ja hohe/köstliche werck zu thun/ wan nach dies-
sem heiligen gebot Gottes die fursten vor die yhren
trewlich sorgen vnd sie schutzetten / Widderumb die
vnterthan der oberkeit willig vnd gern yhr gebürlich
pflicht theten/vnd ist gewis/das es Gott rechē wird/
so man solch sein gebot verachtet.

Vnd dis sol der furnemeste trost sein der Fürsten
vnd

vnd herrn/vnd aller die widder den Türcken streitten/
das sie schuldig sind aus Göttlichem gebot vnd be-
felh öffentlichen freuelern vnd fridbrechern zu weren/
Dann wie wol die Türcken vnchristen sein / so were
doch das selbig nicht vrsach gnug sie zu bekriegen/so
sie frieden hielten/vnd nicht öffentlich gewalt vnd fre-
uel vbetē/sonderlich dieweil auch die vnsern kein ober-
keit vber sie haben. Das ist aber ein recht vrsache/
den Türcken mit heeres krafft anzugreifen/ das er yn
frembde lender einfellet / erzeigt sich als ein öffentli-
cher fridbrecher/dann da hat die oberkeit Gottes ge-
bot/solchen fridbrechern zuwidderstehen/vnd öffent-
lichen vnrechten gewalt weren vnd zu straffen. Die
Oberkeit aber hat nicht befelh des glaubens hal-
ben allein krieg anzufahen wider vnchristen/vber die/
sie doch kein gewalt hat/ wan sie still sitzen vnd nicht
freuel vben/vnd dadurch vrsach geben/das man yhn
weren mus / Vnchristen kan man wol tod schlagen
mit der faust/man macht aber nicht Christen daraus
mit der faust/dan wir können yhn nicht glauben vnd
den heiligen geist dadurch yns hertz bringen.

Darumb sollen die ienigen/ so widder den Türcken
kriege faren/yhr gewissen furnemlich auff das gottes
gebot gründen/vnd diesen Göttlichen befelh yn augen
behalten/das die oberkeit schuldig ist/den öffentliche
fridbrechern zu widderstehen / Vnd dieses befeh-
les sollen sie sich trösten/ vnd wissen / das sie ein gut
werck thun. Solcher glaub des Göttlichen worts
vnd befehls sol billich sie stercken vnd mütig machen/
sich gewis darauff zu verlassen/ das yhnen Gott ra-
then vnd helffen werde/Dann was Gott befiehlt/das
wil er auch selb helffen anrichten / wie er spricht
Jeremie.1.

Dieremi. 1. Ich wil vber meinem wort wachen/ vnd
wils selbs ausrichten. Inn solchem glawben vnd ver
trawen betet David/ das Gott yhnen erretten vnd hel
ffen wolte/ vnd yhm trewlich beistehen/ sein Göttli
chen befelh auszurichten/ da er ym. 7. Psalm saget/
Erhalt das gericht das du geboten hast/ Wir sein
viel zu gering/ das wir die hohen göttliche befelh vnd
werck on Gottes hülffe vnd beistand soltē ausrichten.
Darumb sollen wir glewben vnd gewis darauff ste
hen/ das Gott bey vns sein/ rathen vnd helffen wolle/
Dann es ist gar ein grosser mechtiger trost yn allen sa
chen/ so das hertz ein göttlichen befelh vnd wort hat/
daran es hange/ vnd wisse/ das es nichts furhabe
Gott zu widder/ Vnd ob einer schon daruber tod blei
bet/ so stirbt er doch yn rechtem gehorsam/ vnd wo er
sonst an Christum warhafftig gleubt/ wird er selig.

Vber das so sol dieses vnser hertz wacker/ freidig
machen/ vnd stercken/ das wir mit einem solchen feind
de zu schaffen haben/ der zu gleich vnd furnemlich
Gottes feind ist/ der sich vnterstehet das heilig Euan
gelium vnd den namen Christi vnter zu drucken vnd zu
dempffen/ Dan der Türck ist nicht ein schlechter mors
der odder friedbrecher/ sondern auch ein schrecklicher
Gottes lesterer/ als yhe auff erden komen.

Nu ist ihe die Christlich oberkeit schuldig zu wes
ren/ das solche Gottes lesterung nicht auch einreisse/
an den orten die yhres gebietes sind/ Vnd die weil es
die ehre Göttliches namens belangt/ so hat sich die
oberkeit gewis zunerlassen/ das Gott die ehre seins na
mens erhalten wird/ vnd das er entlich seinen heiligen
namen nicht lest zu schanden werden/ wie dann ynn
dem

dem ander gebot geschriben stehet / den wird Gott nicht vngestraft lassen / der seinen namen vnnütz furet odder lestert. Item .1. Regum. 2. Die mich ehren / wil ich zu ehren setzen / die mich verachten / wil ich veracht machen. Widder solch offentlich Gottes wort streitet der Türck / Diese Göttliche gewalt vnd macht hat er widder sich / nicht allein die leut odder die menschen / Darumb ist es gewis / der Türck mus endlich zu tryern gehen / dann Gott der lest kein lesterung seins heiligen namens vngestraft. Da Christus am Crentz hieng / da die hohlen Gottes lesterung angiengen / da riessen die felsen / vnd volgeten bald viel ander grosse wunder werck / Derhalben können auch die allein / so solchs Gottes wort vnd verheissung yns hertz gefasst haben / manlich vnd freidig sein / vnd alles mit glück / sieg vnd wolfsart hinaus furen.

Die Gott hat nicht gefallen an grosser fleischlicher sicherheit / sondern liebet die ihenigen / so seinen zorn fürchten / wie der spruch lautet Pro. 28. Wol dem der sich alle weg fürchtet / Vnd die also ynn seiner fürcht leben / die trostet er / vnd wil nicht das sie ynn fürcht versincken / sondern durch glawben auch gesterckt werden. Wir haben aber oben angezeigt / wie greulich drawung ym Propheten Daniel stehen / Dann Gott zürnet on zweuel ernstlich vber vnser sünde / das er den Türcken so gros glück vnd sieg gibt / Darumb sagt Daniel / das das Reich werde krieg furen widder die heiligen / das es drey köningreich einnemen / die heiligen vberweldigen vnd verstören werde. Item / die heiligen werden yhm ynn die hende geben werden eine zeit lang / vnd noch ein zeit lang / vnd eine kleine weile / Welche wort zeigen an / das das Türckisch Reich nicht so gar kortz / sondern ein lange zeit weren sol. Darumb

umb ist es ein zeichē/ das Got gantz ernstlich vber die
welt zornet/ vmb des obangezeigten gotlosen wesens
vñ laster willen/die yn der welt seind. Doch wollē wir
auch etliche trostsprüche aus dieser Prophecie lesen/
wie wol der beste vnd sterckest trost aller glewbigen
vnd Christen dieser ist/ das sie wissen/das der Türcke
sey nicht allein vnser feind/ sondern Gottes vnd vnser
Derrn Christi/ Nu wird Christum widder Türcke
noch teuffel vberweldigen mügen/ Vnd ist gewis/das
ein Christliche kirche allzeit bleiben wird/ wie wir yn
glauben bekennen/ Ich glewbe ein Christliche kir-
chen. Vnd Christus sagt/ Ich werde bey euch bleiben
bis an das ende der welt. Darumb wird der teuffel
den namen Christi vngetilget lassen/wie seer auch vnd
grewlich er wütet vnd tobet mit ketzereien vnd blutner-
gissen/ Vber das so ist yn der Prophecey Danielis
dem Türcken ein ziel gesteckt/ vber welchs sein Reich
nicht wird ausbreitet odder wachsen werden.

Dan vor eins/ nach der Prophecey Danielis sol-
len allein vier Monarchien ynn der welt auff komen/
Nu hat das Türckisch Reich sich angefangen/ da die
vierde Monarchie / das ist/ die Römisch gefallen ist/
vnd es ist aber nicht möglich/ das des heiligen geists
wort solten falsch werden/ vnd die funffte newe Mo-
narchie auff komen/ oder irgent ein reich yn der welt yn
dem gewalt vnd vermügen auffwachsen/ als der vier
Monarchien eins / die vor hergangen. Daruber sagt
Daniel / das das horn/ das ist der Türcken Reich
soll nur drey horner umbstossen/ vnd die andern hor-
ner sollen alle bleiben/ vnd werden nicht umbgestos-
sen. Aus dem ist klar/ das die ander Königreich/ so
vnter der Römischen Monarchie gewesen / bleiben
D ij werden/

werden/Dann der Türcke hat drey grosse Königreich
Aegyptē/Asiam vnd Greciam/vnd wie wol er itzund
weiter komen vnd das Königreich Hungern eingenom-
men/ so hoffe ich doch/ er werde es nicht behalten/
Er hat Deudsch land auch angriffen / mocht auch
villeicht ein schaden thun/so halt ich doch furgewis/
das er nicht herr ynn deudsch land werde/Dann das
ist gewis/das der Türcck nicht sol die gantz Römisch
Monarchie einnemen/Nu hat er schon Constantino-
pel / welches ein stuel der Römischen Monarchie
gewesen/ So er daruber Deudsch land eröbert/hette
er den andern stuel des Römischen Reichs/vnd also
das gantze Römische Reich/ Denn er hette die höhe-
sten vnd furnemesten zween keiserliche stuel/so doch
die schrift anzeigt/es werde ein stück des Römischen
reichs bis an iüngsten tag bleiben / Vnd zeigt an/
was es werde fur ein reich sein/ denn das vierde thier
ist also gemalet/ das es mit sein fussen zutritt was vber
blieben/Die fuisse bedeuten das letzte wesen vnd vberig
stück vom reiche/Vnd das zurtretten ist ein gering lob.
Ich wil es nicht dahin deuten/das sie die Christliche
Kirche zurtretten/ denn es were allzu schrecklich/Aber
wie es sich sunst reimt/ ist leicht zumerstehen. Der
Papist/der König von Franckreich/die Venediger ha-
ben allzeit den Römischen keiser angefochten/mit list
vnd gewalt/ aber haben yhn nie konnen nider druckē/
Inn den selbigen kriegem sind Welsche vnd Deudsche
land seer zertretten vnd verderbet worden/vnd ist doch
der keiser endlich obgelegen / wird auch furter wol
bleiben. Es sind aber auch ander vrsachen/das der
Türcck das ort des Römischen reichs nicht einnemen
sol/ da der Papist regiert/aber die selbigen las ich far-
ren.

Vor das dritte/so schreibt Dantel/das der Türck
allzeit werde krieg furen widder die heiligen/so wird
er ihe nicht alle Christen vnter sich bringen/sondern
es wird freilich ein solch macht alzeit bleiben/die dem
Türcken auch kan ein widderstand thun. Derhalben
ist zu hoffen/ das nicht allein eins oder zwey/sondern
mehr königreiche bleiben werden / da öffentlich ges
predigt werde der name Christi/welche der Türcke nis
cht wird einnemen/vnd werden doch die selbigen kö
nigreich kriege mit dem Türcken haben müssen bis an
den iüngsten tag.

Zum vierden ist das ein grosser trost den rechten
Christen/das sie hie sehen/vnd aus diesem allem mer
cken/ das Christus bald wird von himel komen zu
richten/Dann er hat selbs gesagt/das die tage sollen
verkurtzt werden/vmb der auserweleten willen/Dar
umb wird der Herr Christus gewis bald komen/vnd
nicht leiden/das der Türcke odder irgent auff erden
ander feinde vnd Gottlosen die kirchen zu grund til
gen. Es sind alle Monarchien fur vber/ gefallen vnd
vergangen/ davon die schrift vermeldet / Vnd das
Türkisch reich hat auch schon lang gestanden/vnd
ist zu hoffen/das die zeit/da Daniel von gesagt/ auch
nu fast zum endelauffe/da er sagt/die heiligen werden
ynn sein hende geben ein zeit lang / vnd aber ein zeit
lang/vnd noch ein kleine weile. Mit den worten setzt er
keine gewisse zeit/ Ich halte aber dennoch / das er da
rure die verenderung des Mahometischen Reichs/
welchs erst gewesen ist bey den Sarracenen/darnach
bey den Türcken/ welcher zeit itzund gehet/ vnd sol
weren/bis das sie auffss höhest kome / Nu sind sie be
reit auffss höhest komen/denn sie habendie drey hor
ner ynne / das ist/ drey königreich/so ist nu vbrig die
kleine weil.

D iij So

So nu die selbig kleine weil sol kurtzer sein/dann die ander zeit des Türckischen reichs/so folget eraus/das der iüngste tag nicht fern ist/ Es sollen auch alle frume Christen von hertze grund ernstlich bitten/das vnser lieber Herr Christus nur bald kome/das er nur bald ein ende mache der grossen Gottes lesterung ynn der welt/das er den Türcken sampt allen Gottes lesterer vertilge/denn der Turck sol nicht mit menschlicher macht gesturtzt werden/sondern sein reich wird weren bis an iüngsten tag / vnd als dann wird yhnen vnser herr Christus sturtzen vnd zu boden stossen/wie auch yn Apocalypsi ist angezeigt von Gog vnd Magog.

Aus denen vnd vielen andern anzeigungen der heiligen schrift kan man mercken vnd abnemen/das der selige gewünschte tag der zukunfft vnser herrn Christi nicht weit/sondern fur der thür ist/ Derhalben sollen alle Gottfurchtigen sich billich von hertzen freuen/das die grosse Gottes lesterung forthin nicht lange weren wird/das der Türck auch nicht die gantz welt odder mehrer teil also einnemen wird/wie er fur hat/ Doch mittler zeit werden die Christen vnd gleubigen viel trübsals vnd hertzleids leiden müssen/nicht allein vom Türcken/sondern auch von andern gotlosen vnd verfolgern des Euangelij/vnd wird noch der Christenheit so bange werden vor dem iüngsten tag/das sie engstlich vnd mit grossen ernst nach dem selbigen gen himel ruffen vnd schreien müsse/wie ein weib das ynn Kindes nöten ligt/Vnd diese gegenwertigen vnser zeiten sind eigentlich also/ Wir haben freilich hohe grosse treffliche vrsachen gen himel zu ruffen vnd zu schreien/nicht allein vmb vnser willen/die wir doch zu vnserm alter komen /vnd das Göttlich wort gehört haben/sondern viel mehr vmb der armen iugent/vmb vnserer

ferer sone vnd töchter vnd der armen kleinen kinder yn
der wigen willen/ Ja vmb aller vnerzogen vnberaten
iungen leuth willen/welche wir yhe mit grossen weh-
mut hertzleid vnd weinenden augen müssen ansehen/
wann wir diese sorgliche leuffte vnd zeite bedencken/
Dann wir yhen yhe von hertzen auch gern gönnen
vnd wunschen wolten / das sie den theuren schatz
des Euangelij auch haben mochten vnd den selbigen
bis ans ende behalten.

Nu stehet die Christenheit itzund ynn seer grosser
fabre als sie yhe eniger zeit gestandē / Der Turck vnd
der Papsst setzen sich zu gleich widder das Euangelij
um/ wollen das mit gewalt vnterdrücken/Daruber
erregen sich itzund mancherley rotten vnd teuffelhafti-
ge geister / die nicht allein vnchristlich/ sondern auch
auffrührische lere gern wolten ausbreiten/Dazu wird
itzund die welt vol Epicureer/das sind solche leut/die
es für sündere klugheit halten/ das sie dürffen Gottes
vnd aller Göttlichen sachen spotten/vnd alle religion
zu gleich für fabeln halten/ Solch gesind ist ein zeit
lang nur ynn Italia gewesen/nun findet man es leider
auch yn andern landen/Wan ein Christ solchs zu her-
tzen füret / ynn was trefflich grosser fabr an seel vnd
leib vnser nachkomen sein werden/ so ist es nicht müg-
lich/ er mus gros wehmut/ angst vnd hertzleid dar-
von haben / vnd sich hertzlich darnach seenen/das
nur schnell vnd bald daher breche der selige tag / vnd
die fröliche stund/da der Herr Christus komen wird
samt den Engeln vnd sein ewige maiestet vnd herlig-
keit / vor allen menschen vnd teuffeln offenbarn/vnd
der gottes lesterung vnd alles andern iamers auff erdē
einende machen/Witler zeit ist kein radt da/ denn das
die Christen ernstlich ruffen vnd beten zu Gott/vnd
die

die weil es nach vermeldung der gantzen schrift nicht
anders sein kan/dan das sie verfolgung von gottlosen
leidē müssen / mügē sie wol wachē vnd wol klug sein/
sich fur des teufls list zu hüten/das sie nicht an Gott
zweifeln/vnd vom glauben auff menschlich trost/rat
oder hülffe fallen/ Dan warlich die letzten zeiten dor/
ffen auffsehens vnd wachens/ wie der herr Christus
auch gantz trewlich warnet/ da er spricht/ Ich sage
noch ein mal/ wachet wachet. Wollen wir Christen
sein/ so müssen wir es mit erfahrung lernen/wie mecht/
tig Christus ist/ vnd wie ein grosse götliche krafft der
glawbe ist/ da durch müssen wir widder den teu/
ffel sieg behalten/ der vns so gar fressen wil/ so lange
wir nicht mit dem werck vnd erfahrung ynne werden/
wie ein Göttliche stercke vnd krafft der glawbe ist/ vnd
suchen allein menschliche rettung/rat vnd hülffe/ sind
wir nicht besser denn andere heiden/ sondern gehen da
her on Got/on Christo/wie die heiden/die auch nicht
wissen/ob Gott sich yhrer anneme odder nicht/ Der/
halb ist das der recht glawb/der ynn zeit des trübsals
Gottes erwartet/der selbig vnterscheidet die Christen
von den heiden/Dann die heiden können auch schone
werck thun/Aber von Gott etwas hoffen vnd glaw/
ben können sie nicht/Darumb ynn dieser vnd der glei/
chen fahr sollen wir vnsern glawben vben vnd bes/
weisen/ vnd vns Got befehlen/der kan vñ wil
vns gewaltiglich genug von aller gewalt
des teufls erretten/ **A M E N.**

Bedruckt zu Wittenberg /
durch Dans Lufft.

zu Th 1334

tu
o

